

সাধাৰণ সমীক্ষাৰ আলোকে উচই

শ্যামলাল দেববৰ্মা

গবেষণাধিকাৰ :
উপজাতি ও তপশিলী জাতি কল্যাণ নগৰ,
আগৰতলা, ত্ৰিপুৰা ।

১৯৮৩ ইং

পূর্বাভাষ

জিপুরার বিভিন্ন উপজাতি জনগোষ্ঠীর জীবনযাত্রা ও সংস্কৃতির তথ্যপূর্ণ পুস্তিকা প্রকাশনার মাধ্যমে দেশের বৃহত্তর অংশের জনগণের সাথে পরিচয় সাধনের কাজে জিপুরা সরকারের উপজাতি গবেষণা অধিকার বহুদিন যাবত নিযুক্ত। গবেষণা অধিকার ইতিপূর্বে বিভিন্ন উপজাতি সম্বন্ধে পুস্তকাদি প্রকাশ করেছে।

ত্রিশ্রামলাল দেববর্মার গবেষণামূলক লেখা “সাধারণ সমীক্ষার আলোকে উচই” আমাদের প্রকাশনার আরেকটি নবতম সংযোজন। এই পুস্তিকায় লেখক উচইদের সামাজিক প্রথাপ্রকরণ, অর্থনৈতিক ক্রিয়াকলাপ, ধর্মীয় অস্থানাদি যত্নসহকারে তুলে ধরতে প্রয়াসী হয়েছেন।

উপজাতি জনজীবনের সাথে পরিচয়ে আগ্রহী সমাজের নিকট আমাদের এই ক্ষুদ্র প্রচেষ্টা গ্রহণযোগ্য হবে বলে আশা করা যায়।

আগরতলা PRICE Rs. 7 00

শৈলেশ রঞ্জন নন্দী

অধিকর্তা,
গবেষণা অধিকার,
জিপুরা সরকার।

সূচীপত্র

কয়েকটি কথা	ক, খ
প্রথম অধ্যায় : পরিবেশ	১—৩
দ্বিতীয় অধ্যায় : উচ্চদের পরিচিতি	৪—১২
তৃতীয় অধ্যায় : অর্থনৈতিক ক্রিয়া কলাপ	১৩—১৯
চতুর্থ অধ্যায় : সামাজিক কাঠামো ও প্রথা	২০—৩১
পঞ্চম অধ্যায় : ধর্মীয় আচার অনুষ্ঠান	৩২—৩৮
ষষ্ঠ অধ্যায় : উপসংহার	৩৯—৪২
গ্রন্থপঞ্জী—	৪৩
চিত্রমালা—	৪৪—৪৬
উচ্চ অধুষিত ত্রিপুরার মানচিত্র—	৪৭

কয়েকটি কথা

উপজাতি ও উপশীল জাতি কল্যাণ দপ্তরের গবেষণাধিকার উচ্চৈদের জীবন ও সংস্কৃতি বিষয়ক গবেষণার কাজের ভার আমাকে দেওয়ার ফলে আমার বিভিন্ন উপজাতি গোষ্ঠীর জীবন-চর্চা জানার অতৃপ্ত আকাঙ্ক্ষার দ্বার খুলে গেল।

তবে এই ধরনের চুক্তিবদ্ধ কাজে সময়ের বাধা ধরা নিয়ম থাকায় ইচ্ছা থাকা সত্ত্বেও অনেক কিছু সংযোগ সাধন করা যায় না। সব চাইতে বড় কথা হল, আগ্রহ থাকা আর গবেষণার কাজ এক জিনিষ নয়। তাই প্রথম পদক্ষেপ হিসাবে এ কাজ করতে গিয়ে আমাকে ভীষণ বেগ পেতে হতেছিল। আগরতলা বীরবিক্রম সান্দ্রা কলেজের এসিষ্ট্যান্ট প্রফেসর ডঃ জগদীশ গণচৌধুরী মহাশয়ের নির্দেশিকা আমার একাডে যথেষ্ট সাহায্য করেছিল। তাঁর এই নির্দেশিকা ভিন্ন আমার এ কাজের সফলতা সম্ভব ছিল না।

এছাড়া সর্বপ্রথমেই যার নাম উল্লেখ করতে হয় তিনি হলেন শিলাছড়ি হাইস্কুলের সহকারী শিক্ষক শ্রীফিলিপ উর্চ-এর। এ সমস্ত কাজে তিনিও খুবই আগ্রহী। আমার আগেই তিনি ব্যক্তিগত উদ্দীপনার উচ্চৈদের উপর গবেষণার কাজ করে 'উচ্চ জাতীয় ইতিহাস' নামে একটি পাণ্ডুলিপি তৈরী করেছিলেন। দুর্ভাগ্যবশতঃ সেই পাণ্ডুলিপি দেখার সৌভাগ্য আমার ঘটেনি। তবে ঐ পাণ্ডুলিপির বক্তব্য তাঁর অরণে যা ছিল সেটুকুই আমাকে সাহায্য করেছিল। বিশেষ করে কিংবদন্তীর কাহিনীগুলি তাঁর কাছ থেকেই সংগ্রহ করা। এখানে উল্লেখ করার প্রয়োজন যে, এ কাজের দৃষ্ট আমি যখনই যে কোন উচ্চৈ পাড়ায় গিয়েছি সেখান থেকেই প্রচুর উৎসাহ উদ্দীপনা আমার কাজের গতি আরও বাড়িয়ে দিয়েছিল। উত্তর একছড়ি গাওসভার প্রধান শ্রীস্বরাম উচ্চৈ, আগরতলা বৃহৎ মন্দিরের ডিক্কু শ্রীমন্ডানন্দ ভাস্তে (উচ্চৈ), ব্যাপটিষ্ট পাস্তর শ্রীসময় উচ্চৈ, শ্রীস্বরায় উচ্চৈ, শ্রীমথেন্দু উচ্চৈ, শ্রীজগত উচ্চৈ, শ্রীমরসে উচ্চৈ, শ্রীএরাধন উচ্চৈ প্রভেৎকেই আমাকে কিছু না কিছু তথ্য দিয়ে সাহায্য করেছেন।

উপজাতি গবেষণাধিকারের দিগ্গুপ্তিক অফিসার শ্রীদেবপ্রিয় দেববর্মাণ বিভিন্ন সময়ে আমাকে বিভিন্ন ভাবে উৎসাহ ও অহুপ্রেরণা দিয়ে কাজের গতি বজায় রেখেছেন। এছাড়া একই অধিকারের শ্রীরামগোপাল সিংহ ও শ্রীঅমরেন্দ্র দেববর্মা সহ বিভিন্ন স্তরের কর্মীরাও যথেষ্ট সাহায্য করেছেন।

তথা, সংস্কৃতি ও পর্বটন অধিকারের 'নতুন ত্রিপুরা'র সম্পাদক শ্রীভীমদেব ভট্টাচার্য্য ভাষার খুঁটিনাটি বিষয়ে আমাকে যথেষ্ট পরামর্শ দিয়েছেন। একই অধিকারের শ্রীঅসীম দত্তরায় ও হরিপদ দেববর্মা সহ অনেক কর্মী বিভিন্নভাবে আমার কাজে সহায়তা করেছেন।

(ii)

যতনবাড়ী সিনিয়র বেসিক স্কুলের সহকারী শিক্ষক শ্রীমকন দেববর্মা, করবুক অঞ্চলের ট্রাইব্যাল হুপারভাইকার শ্রীশশীমোহন দেববর্মা, শ্রীনিরঞ্জন দেববর্মা, শ্রীচ্যুতি দেববর্মা প্রমুখ কের কাছে সর্ব্বক্ষণ আমার সঙ্গে থেকেছেন। আমি তাঁদের প্রত্যেকের কাছেই চিরকথা।

সর্ব্বশেষে একথা বলতে হয়, আমার সীমিত জ্ঞানে এই ক্ষুদ্র পরিসরে যতটুকু সম্ভব উচ্চশিক্ষার জীবন ও সংকল্পিত জুড়ে ধরতে চেষ্টা করেও পূর্ণ তৃপ্তি পাইনি। তুমি ভবিষ্যত গবেষকদের কাছে আমার এই প্রাথমিক কাজ সামান্তর্য্যও সাহায্য করতে পারে, এই আশা পোষণ করেই স্বস্তির নিঃশ্বাস ফেললাম।

আগরতলা

১৪-৯-১৯৮৩

শ্যামলাল দেববর্মা

প্রথম অধ্যায়

পরিবেশ

পাথীর ঠোঁটের মত ছোট্ট ত্রিপুরা ভারতের উত্তর পূর্বদিকে অবস্থিত। ১০,৪৭৭ বর্গ কিলোমিটার আয়তন বিশিষ্ট এ রাজ্যের উত্তর, পশ্চিম, দক্ষিণ ও দক্ষিণ পূর্ব বাংলাদেশের যথাক্রমে

ত্রিপুরার সংক্ষিপ্ত সীমানা দ্বারা বেষ্টিত। একমাত্র পূর্বদিকে আসাম ও মিজোরামের সীমানা দ্বারাই ভারতের সাথে এ রাজ্যের সংযোগ রক্ষা চলে। ভারতবর্ষ

যখন ইংরেজদের দ্বারা শাসিত ছিল তখন এ রাজ্য “পার্বত্য ত্রিপুরা” নামে অবহিত হত। এখনও এ রাজ্য মোট আয়তনের ৬০ শতাংশ চিত্রোপম পাহাড় এবং নিবিড় বনে সমাচ্ছন্ন। এ রাজ্যের প্রধান পাহাড়গুলোর মধ্যে দেবতামুড়া, বড়মুড়া, আঠারমুড়া, লংতরাই, শাখানটাং ও জম্পুই পাহাড় এবং প্রধান নদীগুলির মধ্যে ফেনী, মুহুরী, গোমতী, হাওড়া, খোয়াই, ধলাই, বহু, দেউ, জুরি এবং লংগাই নদীর নাম উল্লেখযোগ্য।

ত্রিপুরার বর্তমান রাজধানীর নাম আগরতলা। উত্তর, পশ্চিম ও দক্ষিণ এ রাজ্যের তিনটি জেলায় মোট দশটি, যথা—ধর্মনগর, কৈলাশহর, কমলপুর, সদর, খোয়াই, সোনামুড়া, উদয়পুর, বিলোনীয়া, অমরপুর এবং সাক্রম মহকুমা অবস্থিত।

ত্রিপুরার জনসংখ্যাকে মোটামুটি তিনভাগে ভাগ করা যায়। যথা—(১) আদিম বাসিন্দা (২) অভিবাসী এবং (৩) তদানীন্তন পাকিস্তান তথা অধুনা বাংলাদেশ থেকে আগত অধিবাসী বৃন্দ। উপজাতি সম্প্রদায় ভুক্ত অধিবাসীরা এ রাজ্যের আদিম বাসিন্দা। এই সম্প্রদায়ের লোকেরা আগে জুম চাষের মত স্থান পরিবর্তনশীল কৃষিকাজ

করলেও পরবর্তী সময়ে সমতল চাষে অভ্যস্ত হয়ে স্থায়ী বসবাস শুরু করেছিলেন। উল্লিখিত দুই নং অভিবাসীরা অবিভক্ত বাংলা, আসাম, বিহার, উড়িষ্যা ইত্যাদি অঞ্চল থেকে জীবিকার প্রয়োজনে ত্রিপুরায় এসে পরবর্তী সময়ে এ রাজ্যের স্থায়ী বাসিন্দা বনে যান। তিন নং অধিবাসীরা দেশ বিভাগের পর সাম্প্রদায়িক দাঙ্গার ফলে তদানীন্তন পাকিস্তান থেকে উদ্বাস্ত হয়ে ত্রিপুরায় প্রবেশ করেন এবং ভারতের নাগরিকত্ব গ্রহণ করে এ রাজ্যে স্থায়ী বসবাস শুরু করেন।

এই ভাতৃঘাতি দাঙ্গার শিকার হয়ে স্বাধীনোত্তর ভারতে বাঁধভাঙ্গা স্রোতের মত ক্রমাগত উদ্বাস্ত আগমনের ফলে ত্রিপুরার জনসংখ্যা কী পরিমাণে বৃদ্ধি পেয়েছে তা নীচের আদম-সুমারীর তালিকা লক্ষ্য করলেই বুঝা যায়।

সন	জনসংখ্যা	বৃদ্ধির শতকরা হার
১৯০১	১,৭৩,৩২৫	২৬ শতাংশ
১৯১১	২,২২,৬১৩	৩২.৫ শতাংশ
১৯২১	৩,০৪,৪৩৭	৫২.৬ শতাংশ

১	২	৩
১৯৩১	৩,৮২,৪৫০	২৫.৬ শতাংশ
১৯৪১	৫,১৩,০১০	৩৪.১৪ শতাংশ
১৯৫১	৬,৩৯,০২৯	২৪.৫৬ শতাংশ
১৯৬১	১১,৪২,০০৫	৭৮.৭১ শতাংশ
১৯৭১	১৫,৫৬,৩৪২	৩৬.৩২ শতাংশ

এখানে লক্ষ্যীয় ব্যাপার হল, ১৯৪১-১৯৫১ সনে যেখানে জনসংখ্যার শতকরা হার ছিল ২৪.৫৬ শতাংশ সেখানে ১৯৫১-১৯৬১ সনের মধ্যে ৭৮.৭১ শতাংশ জনসংখ্যা বেড়ে গেছে। এরকম অস্বাভাবিক হারে জনসংখ্যা বৃদ্ধির ঘটনা দেশের আর কোন জায়গায় ঘটেনি।

১৯৭১ সনের আদমশুমারী অনুসারে ত্রিপুরার মোট উপজাতির জনসংখ্যা ৪,৫০,৫৪৪ জন। ইহা মোট জনসংখ্যার ২৮.৯৫ শতাংশ। ১৯৫১-১৯৬১ সনে এই সংখ্যার হার ছিল ৩১.৫৩

শতাংশ। এরাছোর বসবাসকারী উপজাতি জনগোষ্ঠীকে মোট ১২ ভাগে উপজাতি ভাগ করা হয়েছে। যথা—(১) ত্রিপুরী (২) রিয়ান (৩) জমাতিয়া জনসংখ্যা (৪) চাকমা (৫) হালাম (৬) নোয়াতিয়া (৭) মগ (৮) লুসাই (৯) উচুই (১০) কুকি (১১) গারো (১২) মুণ্ডা (১৩) ওরাং (১৪) সাওতাল (১৫) খাসিয়া (১৬) ভৌল (১৭) ছাইমাল (১৮) ভূটিয়া ও (১৯) লেপচা।

১৯৭১ সনের আদমশুমারী অনুযায়ী বিভিন্ন উপজাতিদের মোট জনসংখ্যা এবং তাদের শতকরা হারের তালিকা নীচে দেয়া গেল :

ক্রমিক সংখ্যা	উপজাতি গোষ্ঠী	লোকসংখ্যা	মোট উপগোষ্ঠী জনসংখ্যার শতকরা হার
১.	ত্রিপুরী	২,৫০,৩৮২	৫৫.৫৭ শতাংশ
২.	রিয়ান	৬৪,৭২২	১৪.৩৬ শতাংশ
৩.	জমাতিয়া	৩৪,১২২	৭.৫৯ শতাংশ
৪.	চাকমা	২৪,৬৬২	৬.৩৬ শতাংশ
৫.	হালাম	১,৯০,৭৬	৪.২৩ শতাংশ
৬.	নোয়াতিয়া	১০,২৭৩	২.২৮ শতাংশ
৭.	মগ	১৩,২৭৩	২.৯৪ শতাংশ
৮.	লুসাই	৩,৬৭২	০.৮১ শতাংশ
৯.	উচুই	১,০৬১	০.২১ শতাংশ
১০.	কুকি	৭,৭৭৫	১.৭৭৫ শতাংশ
১১.	গারু	৫,৫৫৯	১.২৩ শতাংশ
১২.	মুণ্ডা	৫,৩৪৭	১.১৮ শতাংশ
১৩.	ওরাং	৩,৪২৮	০.৭৮ শতাংশ

১	২	৩	৪
১৪.	শাওভাল	২'২২২	৪২ শতাংশ
১৫.	খাসিয়া	৪২১	নগন্য
১৬.	ভীল	১৬২	ঐ
১৭.	ছাইমল	—	—
১৮.	ভূটিয়া	৩	নগন্য
১৯.	লেপচা	১৭৫	ঐ

১৯৪৯ সনের ১৫ই অক্টোবর ত্রিপুরা ভারতের অন্ধ রাজ্য হিসাবে যোগ দেয়। এর পূর্বে মুর্ছক পর্বন্ত এরাঙ্গ্য দেশী রাজাদের দ্বারা শাসিত হত। একুশ ১৭৮ জন দেশীয় রাজার এ রাজ্য শাসন করার প্রমাণ পাওয়া যায়। ভারতবর্ষে মুসলিম শাসনকালে এ রাজ্য বহুবার শাসন কার্য আক্রান্ত হলেও বিভিন্ন উপায়ে স্বকীয়তা রক্ষা করেছিল এবং ইংরেজ শাসনকালেও পার্শ্বভ্য ত্রিপুরা হিসাবে এরাঙ্গ্য পরিগণিত হত। উপরে বর্ণিত সময়ের পর থেকে ত্রিপুরা 'সি' রাজ্য হিসাবে ভারতের রাষ্ট্রপতির পক্ষে চীফ কমিশনারের দ্বারা শাসিত হত। ১৯৭২ সনের ২১ জানুয়ারী ত্রিপুরা পূর্ণ রাজ্যের মর্যাদা লাভ করে এবং একজন গভর্নর ও মন্ত্রিসভার সদস্যদের দ্বারা এ রাজ্য শাসিত হতে শুরু করে।

বর্তমানে বামফ্রন্টের পক্ষে মুখ্যমন্ত্রী শ্রীমুগেন চক্রবর্তীর নেতৃত্বে বারজন সদস্য বিশিষ্ট মন্ত্রিসভার সদস্যদের দ্বারা এরাঙ্গ্য শাসিত হচ্ছে। উপমুখ্যমন্ত্রী শ্রীদশরথ দেব সহ বর্তমান মন্ত্রিসভার চার জন উপজাতি সদস্য আছেন।

এ রাজ্যে বসবাসকারী সংখ্যালঘু উপজাতিদের সামাজিক, অর্থনৈতিক সহ সার্বিক উন্নয়ন ও সাম্প্রদায়িক সম্প্রীতি তথা জাতীয় সংহতির লক্ষ্যে বামফ্রন্ট মন্ত্রিসভা ১৯৭৯ সনে বিধানসভার 'দি ত্রিপুরা অটোনোমাস ডিভল্ট কাউন্সিল' নামে একটি বিল পাশ করিয়ে সংবিধানের সপ্তম তপশিগ মোতাবেক স্ব-শাসিত জেলা পরিষদ গঠন করেছেন। ১৩৭টা রেভিনিউ মৌজা নিয়ে গঠিত এবং ২৮টি টেরিটোরিয়েল কন্সটিটিউয়েন্সিতে বিভক্ত এই জেলা পরিষদের প্রথম নির্বাচন অক্টোবর ১৯৮২ সনের ৩রা জানুয়ারী। জেলা পরিষদের এই প্রথম নির্বাচনে বামফ্রন্ট সংখ্যাগরিষ্ঠ অর্জন করে এবং শাসনকার্য পরিচালনার ক্ষমতা পায়। চেয়ারম্যান শ্রীনারায়ণ রুপিনী, ভাইস-চেয়ারম্যান শ্রীঅঘোর দেববর্মা সহ সাত জন কার্যকরী সদস্যদের দ্বারা এই পরিষদের শাসনকার্য পরিচালিত হচ্ছে।

দ্বিতীয় অধ্যায় উচইদের পরিচিতি

‘উচই’ নামের তাৎপর্য

‘উচই’ এই নামাঙ্করণের পেছনে কোন স্থনির্দিষ্ট ঐতিহাসিক তথ্য বা অভিমত না থাকায় তাঁদের তথ্য কগবরকভাষী অগ্রাঙ্গ উপজাতি, যথা ত্রিপুরী, জমাতিয়া, রিয়াং প্রভৃতি উপজাতি সমাজের মধ্যে প্রচলিত কাহিনী কিংবা কিংবদন্তী বিশ্লেষণ করলেই এই নামের উৎপত্তি সম্পর্কে কিছুটা ধারণা করা যায়।

কিংবদন্তী মতে রিয়াংদের পরে কিংবা রিয়াংদের পশ্চাৎ অহুসরণ করেই তাঁরা ত্রিপুরা রাজ্যে এসেছিলেন বলে রাজা কর্তৃক তাঁরা ‘উলছই’ উপাধি পান। ‘উলছই’ কগবরক শব্দ। উল—পশ্চাৎ, ছই—অহুসরণ করে। উল ছই ফায় নাই—পশ্চাৎ অহুসরণ করে যে আসে। এই উলছই শব্দই পরবর্তী সময়ে উছই বা উচই শব্দের রূপান্তরিত হয়। অন্যান্য কগবরকভাষীরা তাঁদেরকে কেউ কেউ উলছই বা উছই বা উচই বলে থাকেন।

অনেকের মতে উচ্চার বংশধর বলেও তাঁদেরকে উচই বা উচাই বলা হয়। ইংরাজীতে নাম লেখার সময় তাঁরা অনেকে পদবী রূপে ‘Uchoi’ আবার কেউ কেউ ‘Uchai’ লেখে থাকেন। মুদ্রিত সরকারী নথীগুলিতে ‘Uchai’ লেখা রয়েছে বলে আধুনিক শিক্ষিতরা ‘উচাই’ লেখার পেছনে যুক্তি দেখান। আবার বয়স্কদের মধ্যে অনেকেই তাতে ঐক্যমত পোষণ করেন না।

সে যাই হোক ‘উচই’ শব্টির মধ্যেই বৃৎপত্তিগত অর্থ প্রকাশ পায় বলে আমরা ‘উচই’ শব্দটিই ব্যবহার করলাম।

কিংবদন্তী মতে উচইদের ইতিকথা

কোন এক সময় আরাকান রাজার সাথে জনৈক ত্রিপুর রাজা যুদ্ধে পরাজিত হলে অনেক ত্রিপুর সৈন্য বন্দী হয়ে আরাকান দেশে নীত হয়। পরবর্তী সময়ে সেই বন্দী সৈন্যরা আরাকান রাজ্যের বশতা স্বীকার করলে আরাকান রাজা তাদের পুনর্বাসনের ব্যবস্থা করেন। সুদীর্ঘদিনের ব্যবধানে আরাকান বাসীদের সাথে বিবাহ বন্ধনে আবদ্ধ হয়ে তারা নিজেদের বংশবৃদ্ধি ঘটায় এবং আরাকানের অধিবাসী বনে যায়। উচইরা সেই বন্দী ত্রিপুর সৈন্যদেরই বংশধর।

আরাকান বাসীদের চোখে তারা একটু স্বভিন্ন ছিল বলে রাজার আদেশে আরাকান সীমানার নিকটবর্তী অঞ্চলে গং অং পাহাড়ে তাদের একত্রে পুনর্বাসন দেয়া হয়। ঐ পাহাড় অভ্যন্তর উঁচু ছিল বলে পুনর্বাসন প্রাপ্ত গোষ্ঠি ব্যতীত অন্তদের পক্ষে আনায়াসে উঠানামা করা বড়ই কষ্টসাধ্য ব্যাপার ছিল।

যা হোক, সেদিন ছিল সেই পাহাড়ের চূড়ায় বিবাহ ভোজের অহুষ্ঠান। আবালবৃদ্ধবণিতার আনন্দ কোলাহলে, গানবাজনার উত্তাল ভরদে কেঁপে উঠেছিল গং ত্রং পাহাড়ের আকাশ বাতাস। বাঁশীর সুরে চংপ্রং এর ভালে পাহাড়ও বোধ হয় সেদিন নেচেছিল দু' বাছ তুলে। এরকম ব্যক্তিগত কিংবা সামাজিক উল্লাসপূর্ণ অহুষ্ঠান আর কারো দ্বারা কারন হয়ে না উঠলেও সে দিনের সেই অহুষ্ঠান দ্বারা বর্ষণ করেছিল পার্শ্ববর্তী আরাকানবাসীদের। কারণ পাহাড়বাসীরা অপমান করেছে তাদের দেশীয় রাজাকে। কেননা, পাহাড়বাসীদের চংপ্রং এর সুরে তারা সেদিন স্তনতে পেয়েছিল, “নাইগ্যা নাকাইন নাকাইন কাইন”। আরাকান ভাষার যার অর্থ দাঁড়ায় ‘দেশের রাজা কানা তাই প্রজারাও কানা।’

রাজা প্রথমে সে কথা বিশ্বাস করতে রাজী না হলেও সমবেত প্রজাদের মনোযোগ পূর্ণ নালিশের ভোড়ে ভেসে গেলেন এবং আদেশ করলেন, “এদের নির্করণ করো”।

বেই রাজার আদেশ পাওয়া যায় অমনি হৈ হৈ রৈ রৈ করে সমস্ত প্রজারা ধেয়ে চলল পাহাড়ের দিকে। পাহাড় বাসীরা যদিও এই অভাবিত ঘটনার জন্ত প্রস্তুত ছিল না, তবু আশ্চর্য্যার্থে তারাও সমস্ত আনন্দ উল্লাস বন্ধ করে নারীপুরুষ নির্বিশেষে গাছ পাথর ছুড়ে ফেলতে লাগল আক্রমণকারীদের চক্রে। আক্রমণকারীরা পাহাড়বাসীদের অনবরত প্রতিরোধ তেঁলতে না পেরে বিস্রাম নিল সাগাদিনের মত। বসে রইল রাতের অপেক্ষায়।

হঠাৎ তাদের নজরে পড়ল, একটি গোসাপ উঠে যাচ্ছে পাহাড় বেয়ে। সবাই মিলে তখন ধরে ফেলল গোসাপটিকে। গোসাপের লেজ শক্ত একটি দড়ি বেধে ছেড়ে দিল উপরের দিকে। প্রথম গোসাপের লেজে বাধা সেই দড়ি বেয়ে একজন ধীরে ধীরে উঠে গেল পাহাড়ের চূড়ায়। সেখানে একটি মোটা গাছের গোড়ায় দড়ি বেধে দড়ির একাংশ ফেলে দিল নীচের দিকে। একে একে সেই দড়ি বেয়ে সমস্ত আক্রমণকারীরা উঠে গেল পাহাড়ের চূড়ায়। পাহাড়বাসীরা সেরকম অপ্রত্যাশিত আক্রমণের জন্য কেহই তৈরী ছিলনা। তাই এরকম বেপরোয়া আক্রমণের মুখে একে একে তাদের প্রাণ দিতে হল আরাকান বাসীদের হাতে। অন্ধ হয়ে নির্মম হত্যায় যেতে উঠল আরাকান বাসীরা। সে নিধন যজ্ঞ যেন আর থামে না।

মর্মস্পর্শী সেই হত্যা কাণ্ডে মরমে ভীষণ আঘাত পেলেন রাজার ছোট বোন। অনেক কষ্টে তিনি পৌছলেন নিধনযজ্ঞক্ষেত্রে। কিন্তু তখন প্রায় সব শেষ। এক মাসের দুই শিশুপুত্র ব্যতীত তিনি আর কাকেও জীবিত পাননি পাহাড়বাসীদের। সেই দুই শিশুপুত্রকে ‘বাসেক’-এ (এক খণ্ড কাপড় বা গামছা, যা দিয়ে দিয়ে শিশুকে কোলে বেঁধে রাখা হয়) বেঁধে নিয়ে এলেন নিজের ঘরে। তাদের পালতে লাগলেন নিজ সন্তান স্নেহে। উচ্ছা ও রিংসা নামধারী সেই দুই ভাই ধীরে ধীরে বাড়তে লাগল অন্যান্য আরাকান শিশুদের মতই। এক সময় তারা যৌবনে পদার্পন করলে তাদের বিশেষ দেওয়া হল একই মায়ের দুই বোনের সাথে। শুরু হল তাদের বংশবৃদ্ধি।

এক সময় বোধ হয় তাদের পূর্ব পুরুষদের জন্মভূমির ডাক পেয়ে যায় উচ্ছা ও রিংসারা। তাই একদিন 'নখাই' (বেতের তৈরী ঘন খাড়াবিশেষ) এর ভেতর 'মাইচু, (মোচাভাত) সহ অস্ত্রাস্ত্র বাবতীর জিনিষ ভরে একত্রে রওনা দেয় ত্রিপুরার পথ ধরে।

উচ্ছা রিংসারা হাঁটিছে তো হাঁটিছেই। পথের যেন আর শেষ নেই। তাদের হাঁটারও বিরাম নেই। পূর্ব পুরুষদের জন্মভূমির অদৃশ্য টান যেন ধুয়ে দিচ্ছে তাদের সমস্ত পথক্রম। তবু এক সময়ে আলাময়ী ক্ষিপে তাদের ধরে ফেলে। একটি বিরাট গাছের তলায় তাদের সমস্ত জিনিষপত্র নামিয়ে সবাই লেগে যায় ক্ষুন্নিত্তির কাজে। সামনেই তারা দেখতে পেল, তির তির করে দুব্বারায় বয়ে চলছে একটি নদী ও ছড়া। শুধু ভাততো আর খাওয়া যায় না তাই উচ্ছারা নদীর জলে নেমেপড়ে মাছ ধরতে আর রিংসারা ছড়ার জলে। উভয় দলই পায় প্রচুর চিংড়িমাছ। রাত্রার সময় দেখা গেল রিংসাদের চিংড়িমাছ খুব সহজে লালচে বর্ণ ধরছে। তখন তারা ব্যস্ত হতে পারে চিংড়ি সেদ হরে গেছে। তাই তাবা তাড়াতাড়ি খেয়ে ছেড়ে হাঁটা শুরু করে গন্তব্য স্থলের উদ্দেশ্যে। অপরদিকে উচ্ছাদের চিংড়ি আর লালচে বর্ণ ধরছে না। (নদীর চিংড়ি নাকি সেদ হলেও লালবর্ণ ধরে না)। তাই তারা ব্যস্ত থাকে আবার জাল দেওয়ার। অনেক জাল দেওয়ার পর চিংড়ির বর্ণ যখন লাল হলনা তখন তারা ধরে নিল এমাছ আর সেদ হবেনা। স্তত্রাং তাড়াতাড়ি সেই আধা সেদ (আসলে কিন্তু সেদ হয়েছিল), তরকারি নামিয়ে খেয়ে তারাও অহসরণ করল রিংসাদের।

রিংসারা সামনের দিকে এগোয় আর রাত্তার দুধারের কলাগাছ কেটে প্রমাণ রেখে আসে তাদের অহসরণের। সেই কাটা কলাগাছ দেখে দেখেই উচ্ছারাও এগুতে লাগল সামনের দিকে। কাটা কলাগাছের বাড়ন্ত পাতা দেখে তারা হঠাৎ এক সময় বুঝে উঠে হয়ত রিংসাদের ধরা আর সহজ হবেনা। তারা চলে গেছে অনেক অনেক দূর এগিয়ে। একত্রের মত হয়তো আর তাদের সাথে দেখা হবেনা। হঠাৎ তাদের বৃকে উথলে উঠল বিচ্ছেদের ব্যথা। একযোগে সমস্তের কেঁদে ডাকতে আরম্ভ করল রিংসাদের। যে নদীর পারে বসে উচ্ছারা বিচ্ছেদের কান্না কেঁদেছিল এবং বৃক ফাঁটিয়ে ভাইদের ডেকেছিল তার সাক্ষী দেখার জন্যই বোধহয় আজো অধুনা বাংলাদেশের উপর দিয়ে বয়ে চলছে 'কাহুয় বা কাবতুয় রেঙতুয়' নদী।

সত্যিই রিংসারা সে ডাক শুনেতে পায়নি। তারা উচ্ছাদের অনেক আগেই বর্তমান ত্রিপুরার সীমা অতিক্রম করে রাজধানীতে পৌছে। সেই ছিল ছিল রাজবাড়ীতে কের পূজা। কেরপূজার 'খঙ' (সৌয়ানা) চারদিকে পৌতা থাকলেও ভিন্ন পরিবেশ বর্ধিত রিংসারা সে বাধা না মেনে এগিয়ে যায় রাজস্তুপুরের দিকে। দারোয়ানের কোন বাধা তারা মানতে চায়নি। কেননা, তাদের একমাত্র উদ্দেশ্যই ছিল রাজার সাথে দেখা করা।

কিন্তু কের পূজার নিয়ম ভঙ্গ করার দায়ে রাজার আদেশে রিংসাদের দেওয়া হল জেলখানার আশ্রয়। এবং একথাও জানিয়ে দেওয়া হল যে, রাজ্যের নিয়ম ভঙ্গকারী হিসাবে পরদিন ভোরেই তাদের মাথা কাটা যাবে। সমূহ বিপদের কথা চিন্তা করে রিংসারা তাদের পথের প্রান্তি, অবসাদের সমস্ত কথা ভুলে গিয়ে জেলখানার ভেতরেই কান্না জুড়ে দিল 'আমুং আমুং' বা মা মা বলে।

তাদের সেই বুকফাটা 'আমুং আমুং' ডাক বোধহয় রাণী শুনতে পেলেন। তাই একসময় ধীরে ধীরে খুলে গেল জেলখানার দরজা। খোলা দরজার ভেতরে দিয়ে মাতৃসদৃশ রাণীকে চুকতে দেখে রিংসাদের কান্না আরো দ্বিগুণ বেড়ে গেল। রাণী অভয় দিলেন তাদের। সমস্ত কথা শুনলেন মনোযোগ দিয়ে। তারপর বললেন—তোমরা যদি সত্যিই আমার সম্ভান হও, তাহলে আমার বুকের দুধ তোমাদের মুখে পড়বে।

একথা বলার সঙ্গে সঙ্গেই রাণী তাঁর বুকের দুধ বের করলেন এবং শতধারায় সে দুধ গিয়ে পড়ল রিংসাদের মুখে। রাণী বললেন, রিংসাদের কথাই ঠিক। তাই তিনি রাজাকে অহরোধ করলেন তাদের ছেড়ে দিতে এবং রাণীর অনুরোধে রাজাও ছেড়ে দিলেন রিংসাদের। আধুনিক রেপ্টে হাউসের মত একটি জায়গায় তাদের আপাতত থাকতে দিলেন সেইদিনের মত। (কিংবত্তীর একাধিনীর সাথে রাজমাল্য উল্লিখিত রাণী শুনবতীর রিংসাদের দুধ খাওয়ানোর কিছু সাদৃশ্য আছে।)

জেলখানা থেকে মুক্তি পাওয়ার পর রিংসারা দারোগানকে জানিয়ে এসেছিল যে, পরদিন তারা রাজাকে একটি ছোট্ট উপহার দেবে। তারা ভেবেছিল, রাজাকে ছোট্ট উপহার দেবার কথা বলে যদি বড় জিনিষ উপহার দেয়া হয় তাহলে রাজা খুব খুশী হবেন। তাই অনেক ভেবেচিন্তে তারা হাট থেকে একটি মহিষ কিনে নিয়ে তাদের বিশ্রামাগারের বাইরে বেঁধে রাখে।

উচ্ছারা রাজ বাড়ীতে পৌঁছতেই রাজ বাড়ীর কের পূজাও শেষ হল। সুতরাং রিংসাদের মত তাদের জেলখানার আশ্রয়ে বসে অবধারিত মৃত্যুর কল্পলোকে বিচরণ করতে হয়নি। রিংসাদের যে জায়গায় থাকতে দেয়া হয়েছিল রাজাহুদেশে তার পাশের ঠিলাতেই উচ্ছাদেরও আপাতত থাকার ব্যবস্থা হল। রিংসাদের মত তারাও দারোগানকে জানিয়ে এসেছিল যে, পরদিন তারা রাজাকে বড়জিনিষ উপহার দেবে। কিন্তু দুর্ভাগ্যবশত তারা যে সময় হাটে গিয়েছিল সে সময়ে হাটে কোন বড় জিনিষ মিলেনি। কেননা সন্ধ্যা হয়ে আসায় হাট প্রায় ভেঙে গিয়েছিল। তাই বহুকষ্টে তারা একটু ছাগল যোগার করতে সক্ষম হয়। উচ্ছাদের মনে তাই স্বস্তি নেই। তারা কেবল অল্পনাই করতে থাকে, রাজাকে কী ভাবে বড় জিনিষ উপহার দেয়ার ব্যবস্থা করা যায়। হঠাৎ তাদের খেয়াল হল, রাজাকে উপহার দেওয়ার জন্য রিংসারা কি কিনেছে তা দেখবার। রিংসাদের আশ্রয় গিয়ে তারা দেখতে পেল, উঠানে বেঁধে রাখা হয়েছে একটি মহিষ। তা দেখেই ভ্রো তাদের মাথা ঘোরার পালা। কি, রিংসারা রাজাকে উপহার দেবে বড় জিনিষ। না, তা হয় না, হতে দেবো না। ঈর্ষার বসবর্তী হয়ে উচ্ছারা রিংসাদের মহিষের জায়গায় বেঁধে রেখে এল তাদের ছাগল আর নিজীদের আশ্রয় নিয়ে এল রিংসাদের মহিষ।

পরদিন ভোরে উঠে রিংসারা দেখতে পায়, তাদের মহিষের জায়গায় ছাগল বাঁধা। তারা বুঝতে পারে, এ কাজ উচ্ছাদেরই। কিন্তু তখন আর কিছু করার সময় ছিল না। কেননা রাজার সাথে দেখা করার সময় বয়ে যায় যে। অগত্যা সেই ছাগল নিয়েই তাদের হাজির

হতে হল রাজ দরবারে। আগের দিনের কথার সাথে তাদের উপহার মিলে যাওয়ার রাজা খুশী হলেন এবং তাদের স্বামীভাবে এরাঙ্গে থাকার অহুমতি দিলেন।

অপরদিকে উচ্চারা ভোরে রাজ বাড়ীর উদ্দেশে যাওয়ার জন্ত খুঁটি থেকে যেই মহিষের দড়ি খুলল অমনি মহিষটি দিল এক দৌড়। সব উচ্চারাই ছুটল মহিষটির পেছনে পেছনে। সে কী দুরন্ত মহিষ। কিছুতেই বশ মানতে চায় না। শেষ পর্যন্ত বহুকষ্টে মহিষটিকে ধরাধরি করে রাজার কাছে নিয়ে যেতে সক্ষম হয় এবং পূর্ব প্রতিশ্রুতি মত রাজাকে বড় জিনিষ উপহার দেয়। তাদের প্রতিও রাজা সমান খুশী হন এবং স্বামীভাবে নিজ রাজ্যে বসবাসের অহুমতি দেন।

উচই ও রিয়াংদের মধ্যে সম্পর্ক

পূর্বোক্ত কাহিনীর সূত্রাহাযী উচই ও রিয়াংরা দুই ভাইয়ের বংশধর বলে আজও পরস্পর বিশ্বাস করেন। বিশেষ করে তাঁরা পরস্পরের মধ্যে 'তাখুক' বা ভাই সঘোষনই বেশী ভাগ করে থাকেন। এমন কি বৈবাহিক সম্পর্কও তাদের মধ্যে খুব বেশী হয়ে থাকে।

উচই ও রিয়াংদের মধ্যে চালচলন, কথাবার্তা বলার ধরণেও গভীর সাদৃশ্য লক্ষ্য করা যায়। পার্থক্যবর্গের সুবিধার্থে নীচে বাংলা অর্থ সহ ত্রিপুরী, উচই ও রিয়াংদের সংখ্যা গণনার উদাহরণ দেয়া গেল।

বাংলা	ত্রিপুরী	উচই	রিয়াং
এক	সা	হা	হা
দুই	নায় (হুয়)	নায় (হুয়)	নায় (হুয়)
তিন	থাম	খাঁ	খাঁ
চার	বোরায় (বুরুয়)	বোরায় (বুরুয়)	বোরায় (বুরুয়)
পাঁচ	বা	বা	বা
ছয়	দক	দক	দক
সাত	সিনি	সিনি	সিনি
আট	চার	চা	চা
নয়	চুক	চুক	চুক
দশ	চি	চি	চি

পূজা পার্বন ও নাচ গানের বেলায় তাদের মধ্যে গভীর সাদৃশ্য বর্তমান। এ রাজ্যে অল্পতম সর্বাধিক পরিচিত 'রিয়াং হজাগিরি' বা লক্ষী পুণিমার ব্রত উদ্ঘাপের নাচ উচইরাও নেচে থাকেন।

ভাবে পোষাক পরিচ্ছদের বেলায় উচই মহিলাদের সাথে রিয়াং মহিলাদের বৈশাদৃশ্য কিছু নজর পড়ে। যেমন, উচই মহিলারা গলাভর্তি পুঁতির মালার সর্কশেষে একছড়া টাকার মালা এবং রিয়াং মহিলারা গলাভর্তি টাকার মালা ব্যবহার করেন। আবার রিয়াং মহিলাদের তুলনায় উচই মহিলারা একটু পাশ বাড়িয়ে পাছড়া পড়ে থাকেন বলেও উচইরা দাবী করেন।

পূর্ব ইতিহাস

পূর্বে বর্ণিত কিংবদন্তীর কাহিনী অল্পযায়ী উচইরা আরাকান রাজ কর্তৃক বন্দী ত্রিপুর সৈন্যদের বংশধর। অনেক পণ্ডিতদের বক্তব্যেও সে কথার উল্লেখ পাওয়া যায়। এদের মধ্যে কর্ণেল ফেরারের ভাষায় “আরাকানের প্রাচীন নরপতি ত্রিপুরা রাজ্য জয় করিয়া কতগুলি ত্রিপুরাকে বন্দীস্বরূপ স্বরাজ্যে লইয়া যান, আধুনিক মুকংগন সেই সকল বন্দী ত্রিপুরার সম্ভান সন্ততি।” মুকংগনের পরিচয় প্রসঙ্গে কৈলাস চন্দ্র সিংহ বলেছেন, “আরাকান বাসীগণ সমগ্র ত্রিপুরা জাতিকে মুকং আশ্রয় আশ্রয়িত করিয়া থাকে।” অনেকের মতে অতি প্রাচীন কালে ত্রিপুরা গণ স্রোহাউং অঞ্চলে বাস করতেন বলে আরাকানবাসীগণ তাদের স্রোহাউং বা স্রোহুং বা মুকং বলতেন।

কর্ণেল ফেরারের মতে এঁরা প্রথমে আরাকান জেলায় লেমোই নদীর তীরে বাস করে পরবর্তী সময়ে উত্তর দিকে অগ্রসর হয়ে প্রধানতঃ মাতামুড়ি নদীর তীরে বাস করা শুরু করেন। অধুনা বাংলাদেশের মতামুড়ি অঞ্চলেও ত্রিপুরা উচইদের আত্মীয়স্বজন বর্তমান থাকার সাক্ষ্য মেলে। এছাড়া শশনদী কর্ণফুলিতেও তারা ছড়িয়ে আছেন। সেই সূত্রায়ায়ী কর্ণেল ফেরার বর্ণিত মুকংগনের সঙ্গে আধুনিক উচইদের সম্পর্ক অতি উজ্জ্বল বলা যায়।

অল্প দৃষ্টিকোন থেকে বিষয়টির আলোচনা করতে গেলে দেখা যায়, অতীতের কোন এক সময়ে ত্রিপুরা রাজ্যের সীমানা ব্রহ্মপুত্র থেকে বার্মা এবং বাংলার সীমানা থেকে আরাকান পর্যন্ত বিস্তৃত ছিল। ১২১২ খৃষ্টাব্দে মহারাজ ধর্মমাণিক্য কর্তৃক আরাকান বিজয়ের প্রমাণ পাওয়া যায়। সেই সময়ে কতগুলি সৈন্য সেখানকার প্রাকৃতিক সৌন্দর্যে আকৃষ্ট হয়ে এবং স্বাভাবিক জীবনযাপনের পরিবেশও অহুকূলে থাকার ফলে আরাকানে বাস করা শুরু করে স্বাধীভাবে সেখানে থেকে যান। ক্রমে ক্রমে তাঁরা আরাকানবাসী বিভিন্ন উপজাতিদের সঙ্গে বৈবাহিক সম্পর্ক স্থাপন করে নিজেদের বংশবৃদ্ধি ঘটান। এরূপ ঘটনা শুধু উচইদের ক্ষেত্রেই নয়, নাইতং, মং বাই, তংবাই, খারু, ইত্যাদি উপজাতিদের ক্ষেত্রেও সেরূপ বৈবাহিক সম্পর্ক স্থাপনের প্রমাণ পাওয়া যায়।

পরবর্তী সময়ে আরাকানে অবস্থিত ত্রিপুরাগণের অনেকে বিভিন্ন কারণে আরাকান ত্যাগ করে ধীরে ধীরে ত্রিপুরা রাজ্যের দিকে অগ্রসর হতে থাকেন। সুদীর্ঘদিনের ব্যবধানে ত্রিপুরা সংস্কৃতির অনেক কিছু বর্জন এবং আরাকান উপজাতিদের অনেক কিছু গ্রহণ করে নতুন সংস্কৃতির রক্ষক হয়ে তাঁরা ত্রিপুরায় এসে নতুন নামে পরিচিতি লাভ করেন।

কোন সময় থেকে তাঁরা উচই উপাধি অর্জন করেন, তার কোন সঠিক তথ্য না থাকলেও একথা বলা যায় যে, বর্তমান ত্রিপুরায় আসার আগেই তারা এই উপাধির অধিকারী ছিলেন। সম্ভবতঃ আরাকান থেকে চট্টগ্রামে আসার সময়েই তারা উচই উপাধি পেয়েছিলেন বলে ধারণা করা যায়। কেননা পার্বত্য চট্টগ্রামে সম্পর্কিত বিভিন্ন তথ্যে উচইদের উল্লেখ

শাওয়া যায়। টি. এইচ. লেউন তাঁদের উইই বলে উল্লেখ করেন। (“There are four clans of the Tipperah tribe resident in the Chittagong Hill Tracts, as follows : The pooranthe Nowuttea, the osuie and the Reang”.—T. H. Lewin : Wild races of South Eastern India.) অধুনা বাংলাদেশে বসবাসকারী উচইরা নিজেদের উসুই ত্রিপুরা বা ইচই ত্রিপুরা বলে পরিচয় দেন।

পার্বত্য চট্টগ্রামেও উচইরা মগ, চাকমা, হালায়, পেয়াং ইত্যাদি উপজাতিদের সঙ্গে বৈবাহিক সম্পর্ক স্থাপন করেছিলেন। খেয়াংদের সঙ্গে উচইদের সম্পর্ক আরাকান থেকেই ছিল কিনা সে কথা বলা অত্যন্ত কঠিন। কেননা খেয়াংগণও একসময় আরাকানে ছিলেন। (The last Tribe We shall notice are the ‘Kleyns, who in habit the mountains between Arracan and Ava, ‘H. B. Rowney : The wild Tribes of India)

কৈলাশ চন্দ্র বিহু খেয়াংদের সম্পর্কে বলেছেন, ‘ব্রহ্মদেশের পশ্চিম প্রান্তে পরাক্রমশালী পেয়াং জাতি বাস করে। ইহারা সম্পূর্ণ স্বাধীন। স্বাধীন খেয়াং বংশসমূহ কতগুলি লোক চট্টগ্রামের পার্বত্য প্রদেশে বাসা করিয়াছে। ইহাদের সংখ্যা নিতান্ত অল্প।’

উচইদের বারটি উপ-শাখার মধ্যে খেয়াংদের নাম উল্লেখ আছে বলেই এ প্রশ্নের অবতারণা করা হয়। সে যাহোক, উচইরা মঙ্গোলীয় গ্রুপের তিব্বতী বামিজ ভাষাগোষ্ঠীর ত্রিপুরা বা মুক্দের গোত্র—এ কথা নিঃসন্দেহে বলা যায়। তাদের প্রধানমাথা, ছোট চোখ, বোটা নাক, পুরু ঠোঁটের বৈশিষ্ট্য গুলিই মঙ্গোলীয় গোষ্ঠীর পক্ষে রায় দেয়।

উচইরা ‘কউক্র’ বা ‘কগবরক’ ভাষায় কথা বলেন। এই ‘কউক্র’ বা কগবরগ তিব্বতী-বামিজ ভাষাগোষ্ঠীর বোডো শাখার অন্তর্গত। এরাছোর ভাষা ত্রিপুরী, রিয়াং, নোয়াতিয়া, জমাতিয়া, রুপিনী, কলই, উচই, মুরাসিং—এই আট জনগোষ্ঠীর লোকেরা এই ভাষায় কথা বলেন। নীচে বাংলা অর্থ সহ ত্রিপুরী ও উচইদের দ্বারা ব্যবহৃত কতগুলি ক্রিয়ার রূপ দেওয়া গেল।

বাংলা	ত্রিপুরী	উচই
বসা	আচুক	আচুক
দাঁড়ানো	বাচা	বাচা
কান্না	কাপ	কাপ
খাওয়া	চা	চা
পানকরা	হুঙ/নৌঙ	নুঙ/নৌঙ
যাওয়া	থাং	থাং
আসা	ফায়	ফায়
দেখা	হুক	হুক
ধরা	রম	রম
দেখা	হুক	হুক
বাজানো	ভাম	ভাম

উপরের তালিকানুযায়ী ত্রিপুরী এবং উচ্চারণ অভিন্ন ভাষা গোষ্ঠীর একথা নিঃসন্দেহে প্রমাণিত। এদের মাতৃভাষা কগবরক বর্তমানে রাজ্যের বিভিন্ন রাজ্যভাষা। রাজ্যের বাসকট সরকার প্রথম এই ভাষাকে রাজ্যভাষার মর্যাদা দিয়ে কগবরকভাষী ছেলেমেয়েদের মাতৃভাষায় শিক্ষা দেবার ব্যবস্থা করেছেন। সরকারী প্রচেষ্টায় এখা, সংস্কৃতি ও পর্যটন অধিকার থেকে এই ভাষায় একটি সাপ্তাহিক পত্রিকা প্রকাশকার্য চলছে। বলা বাহুল্য, এই ভাষার সাবিক উন্নয়নে রাজ্যের বর্তমান সরকার বন্ধপরিকর।

উচ্চীদের বাসস্থান

বিংশ শতাব্দীর দ্বিতীয় দশকে মহারাজ বীরেন্দ্র কিশোর মণিক্য বাহাদুরের রাজত্বকালে উচ্চেরা প্রথম বর্তমান ত্রিপুরায় আসেন। তাদের ত্রিপুরা আগমনের নেতৃত্বে ছিলেন রামানন্দ উচ্চই (হেডম্যান)। প্রথমে তারা মহারাজ কর্তৃক বিলোনীয়া মহকুমার শকবাই বা চড়কবাই অঞ্চলে পুনর্ন্যাসিত হন। (শকবাই কগবরক শব্দ। শক=মাটির সরি বা ঢাকনা। বাই=ভেঙ্গে যাওয়া। কথিত আছে পুনর্ন্যাসন পাওয়ার পর তাদের উক্ত অঞ্চলে পোঁছার সঙ্গে সঙ্গেই এক জনের হাত থেকে একটি সরি মাটিতে পড়ে ভেঙ্গে যায়। তখন থেকেই ঐ অঞ্চল শকবাই নামে পরিচিত হয়। পরবর্তী সময়ে এই শকবাই শব্দই বাংলায় চড়কবাই নামে প্রসিদ্ধি লাভ করে।) সেখান থেকে ঐ মহকুমারই মূর্খীপুর ও রতনপুরে তারা ছড়িয়ে পড়েন। পরে জীবিকার প্রয়োজনে তারা অমরপুর ও ধর্মনগরের বিভিন্ন জায়গার বাসস্থান গড়ে তুলেন। অমরপুরের তীর্থমুখ, বতনবাড়ী, কেয়ট উচ্চপাড়া, মঘরাম পাড়া, শাস্তিনগর রাসাছড়া, তকখুমা, তুহুসামা, পশ্চিম ডেপাছড়া, কালাছড়া এবং চেলাগাং এর সাঁত্রাইফাং পাড়াগুলিতে উচ্চেরা থাকেন। ধর্মনগরের তৈরেন্দ্র দশদা ও জম্পুই পাহাড়ের পাদদেশে ইত্যন্ত: ভাবে তাদের দেখা যায়।

সংখ্যা

১৯৭০ সালের লোকগণনায় উচ্চীদের মোট সংখ্যা দেখানো হয়েছে ১,০৬১ জন। ইহা মোট উপজাতি জনসংখ্যার শতকরা ২১ শতাংশ। দক্ষিণ ত্রিপুরাতে তাদের সংখ্যা তুলনামূলকভাবে বেশী। পশ্চিম জেলায় তাদের সংখ্যা একেবারেই নগন্য। নীচের তালিকা লক্ষ্য করলেই তাদের বাসস্থান ও মোট জনসংখ্যার স্বচ্ছ ধারণা পাওয়া যাবে।

জেলা	মহকুমা	জনসংখ্যা	মোট জনসংখ্যা	সর্বমোট জনসংখ্যা
পশ্চিম	সদর খোয়াই সোনামুড়া	১	১	
উত্তর	ধর্মনগর কৈলাশহর কমলপুর	৫৬	৫৬	১,০৬১

দক্ষিণ	বিলোনীয়া	৩৩৩
	সাক্রম	
	উদয়পুর	৬
	অমরপুর	৬৬৫

অনেক শিক্ষিত উচ্চইদের মতে, রাহো তাদের সংখ্যা আরো বেশী হওয়ার কথা ছিল। সংখ্যা কম হওয়ার পেছনে দুটি প্রধান কারণ উল্লেখ করে তারা বলেন, অনেক হিন্দু উচ্চ বৈষ্ণব ধর্ম গ্রহণ করার ফলে তারা নিজেদের উচ্চ সমাজ বহির্ভূত মনে করেন এবং বৈষ্ণব বলেই নিজেদের পরিচয় দিয়ে থাকেন।

এ প্রসঙ্গে অমরপুর তীর্থস্থলের বৈষ্ণব সম্প্রদায়ের পুঁতি তাঁরা অঙ্কুলি নির্দেশ করেন। দ্বিতীয়তঃ, অনেক উচ্চই এর নিজেকে রিহাং পরিচয় দান। এ প্রসঙ্গে তাঁরা কোন এক সময়ের রাজ্য বিধানসভার জনৈক সদস্য মহাশয়ের নামও উল্লেখ করেন।

তৃতীয় অধ্যায়

অর্থনৈতিক ক্রিয়াকলাপ

ভারতের উত্তর পূর্বাঞ্চলের অস্ফাঙ্ক উপজাতিদের মত উচইরাও বংশপরম্পরায় প্রাকৃতিক পরিবেশে লালিত ও বর্ধিত। তাই তাদের অর্থনৈতিক বনিয়াদও গড়ে উঠে প্রকৃতিকে কেন্দ্র করে। প্রকৃতির সস্বজ বনানীর গভীরেই সঞ্চিত থাকে তাদের অর্থ। তাদের খাণ্ড সংগ্রহ বা আহরণের বিভিন্ন ক্রিয়াকলাপও তাই প্রকৃতির উন্মুক্ত বন ও পাহাড়কে ঘিরেই। প্রধান খাণ্ড থেকে আরম্ভ করে ফলমূল জাতীয় আহরণিক তাদের যত খাণ্ডই বন থেকে আহরণিত। এক কথায় বলা যায়, বন এবং পাহাড়ই প্রাথমিকভাবে উচইদের খাণ্ডের প্রয়োজনীয়তা মেটায়। বন ও পাহাড়কে ঘিরে তারা যে অর্থনৈতিক বনিয়াদ গড়ে তোলেন তাতে প্রত্যেকেই স্বনির্ভর থাকেন। এই স্বনির্ভরতাগুলো হল : ক) খাণ্ড সংগ্রহ বা আহরণ খ) পশুপালন. গ) খাণ্ড উৎপাদন ঘ) কৃষ্টিশিল্প।

উত্তর পূর্বাঞ্চলের নাগা, লুসাই-কুকি সহ অস্ফাঙ্ক উপজাতিদের মতই ত্রিপুরার উপজাতিরাও আদিম পদ্ধতিতে খাণ্ড সংগ্রহ করে থাকেন। উচইরাও সেই নিয়মের বহির্ভূত নন। তাদের

(ক) খাণ্ড সংগ্রহ খাণ্ড সংগ্রহের জিনিষপত্র বা যন্ত্রাদি খুব কম। লোহার তৈরী 'দা বা কুবুই' (তাক্কল), বনের তৈরী 'তুয়লাংগ' ও 'দিংগারা' (খাড়া)-ই আহরণ প্রাথমিকভাবে তারা খাণ্ড আহরণের কাজে ব্যবহার করে থাকেন।

জঙ্গল কাটা, মাংস কাটা থেকে আরম্ভ করে দা কুবুই বা তাক্কলকে সমস্ত কাজেই লাগানো হয়। 'তুয়লাংগ' দিয়ে সাধারণত লাক্ড়ি ও জলের কলস বহন করা হয় এবং 'দিংগারা' দিয়ে মাংসাদি বহন করা হয়ে থাকে।

অস্ফাঙ্ক উপজাতিদের মত উচইদের জীবনেও শিকার অপরিহার্য অঙ্গ। শিকার তাদের খাণ্ড আহরণের অস্তুতম বৈশিষ্ট্যও বটে। প্রাচীনকালে তারা তাদের খাণ্ডের প্রয়োজন মেটাবার জন্তে যৌথভাবে নিয়মিত শিকারে বেরোতেন এবং শিকারে প্রাপ্ত শিকার মুইহান বা মাংস সবাই সমানভাবে ভাগ করে নিতেন। এমনকি কোন শিশু বা নারীকেও সেই সমানভাগের সুযোগ থেকে বঞ্চিত করা হত না। ত্রিপুরার বন পাহাড়ও এক সময় বাঘ, ভাল্লুক, হাতী, বনমহিষ, গবয়, হরিণ ইত্যাদি পশুতে পরিপূর্ণ ছিল এবং এ রাজ্যের উপজাতিরাও তখন মুক্ত পরিবেশে শিকারের পূর্ণস্বাদ উপভোগ করতেন।

উচইরা শিকারে তীরধনুক ব্যবহার করে থাকেন। তীরকে তারা 'পানসু' এবং ধনুকে

শিকারের অস্ত্রাদি 'পা' বলেন। এ ছাড়া তাদের শিকারের অস্তুতম অস্ত্র হল লোহার তৈরী 'কল' বা বল্লম এবং বাঁশের তৈরী 'কলিংগ'। চার পাঁচ হাত বাঁশের

একদিক চোখা করে এই 'কলিংগ' তৈরী করা হয়। কোন শিকার সামনে পড়লে 'কল' বা বল্লমের মত করে 'কলিংগ' ছুঁড়ে মারা হয় এবং লক্ষ্য সঠিক হলে শিকারের শরীরে তা শক্তভাবে বিদ্ধ হয়ে শিকার ধরা পড়ে।

তাদের শিকার পদ্ধতি বিভিন্ন রকমের। এই পদ্ধতিগুলির মধ্যে প্রধান উল্লেখযোগ্য হল, কোন একজন বা কয়েকজন দক্ষ শিকারের অধীনে সমস্ত গ্রামবাসীরা শিকার পদ্ধতি একত্রে শিকারে বের হয়ে কোন বনাঞ্চলকে তারা শিকারের জায়গা হিসাবে বেছে নেন। দক্ষ শিকারী বা শিকারীরা বনের একদিকে অস্ত্রাদি নিয়ে শিকারের অপেক্ষায় প্রস্তুত থাকেন। অপরদিক থেকে বাকীরা হৈ হৈ রৈ রৈ করে শিকার ডাড়াতে থাকেন। শিকারীদের সেরূপ সমন্বয় চাঁৎকারে সেই বনাঞ্চলে অবস্থিত শিকারেরা ভয় পেয়ে নিজেকে বাঁচানোর জন্য নিশ্চূপ জায়গা দিয়ে মুক্তাঞ্চলের উদ্দেশ্যে দৌড়তে থাকলে দক্ষ শিকারীদের খপ্পরে পড়ে। এমতাবস্থায় অনেক সময় শিকার ফসকে গেলে আবার দল বেঁধে শিকারের পেছনে পেছনে দৌড়তে থাকে এবং যতক্ষণ শিকার হস্তগত না হয় ততক্ষণ এই ডাড়া চলতে থাকে।

কোন কোন সময় শিকারের খাল্লাঘেষণের নির্দিষ্ট জায়গার অনতিদূরে কয়েকজন শিকারী চূপচাপ বসে থাকেন এবং শিকার আয়ত্বের ভেতরে এলে অস্ত্র ছুঁড়ে মারেন।

বাক্তি উপস্থিতির মধ্যম ছাড়াও তারা ফাঁদ পেতে বনের পশু ও পাখী শিকার করে থাকে সংগ্রহ বরে থাকেন। এই ফাঁদ তারা বিভিন্ন পদ্ধতিতে পেতে থাকেন। ফাঁদ পদ্ধতি অনুসারে উল্লেখযোগ্য ফাঁদগুলির নাম হল—জে, বু-রা, বাতাচাউম, ডাকরাখাম ও মাংখুং।

‘জে’ ফাঁদ তৈরীর নমনীয় প্রথমত শিকারের যাতায়াতের রাস্তা বেছে সাত আট হাত বিশিষ্ট একটি বাঁশকে একটি গাছের সঙ্গে শক্তভাবে বেঁধে দেওয়া হয়। তারপর সেই বাঁশের আগায় আরেকটি চোখা করা বাঁশ বেঁধে উভয়ের যুক্ত জায়গায় দড়ি বাঁধা একটা আংটা জড়িয়ে দেওয়া হয় এবং দড়িটি এমনভাবে উল্টোদিকে বাঁধা থাকে যাতে সমগ্র ‘জে’ ফাঁদ বাঁশটিই টানা অবস্থায় থাকে। চোখা অংশটা যাতে আবার মাটির দিকে ঝুঁকে না পড়ে তারজন্তু দু’দিকে দুটো খুঁটি গেড়ে এক টুকরো বাঁশের দ্বারা সেতু বানিয়ে তার উপরে চোখা অংশটা সোজা রাখা হয়। সবশেষে প্রথমোক্ত বাঁধা বাঁশগুলির যুক্ত জায়গায় জড়িয়ে দেওয়া আংটার আরেকটি চিকন দড়ি বেঁধে চোখা অংশের সাথে সমান্তরাল ভাবে টেনে বন পশুর যাতায়াতের পথ ডিম্বিয়ে একটি খুঁটিতে বেঁধে দেওয়া হয়। কোন পশু সেই পথ দিয়ে যখন যাবে তখন চিকন দড়িতে বাঁধা পড়বে এবং চিকন দড়িতে সামান্ত টান পড়ার সঙ্গে সঙ্গেই দড়ি সহ আংটিটি উপরে উঠে যায়। প্রথমোক্ত বাঁশটি তখন সম্পূর্ণ যুক্ত হয়ে ‘ডিম্বগতিতে পশুর দিকে ধাবিত হয়ে চোখা অংশটা পশুর শরীরে বিদ্ধ হয়।

‘বু-রা’ ফাঁদ তৈরীর বেলায় প্রথমত তিনটি বাঁশকে সমান চার বা পাঁচ হাত করে কেটে ত্রিকোণ বানানো হয়। পরে আরো অনেক বাঁশ সমান করে কেটে মাঝের সামান্ত জায়গায় বাঁধ রেখে ত্রিকোণের সমস্ত ফাঁক পূরণ করা হয়। তারপর সেই ভারী ‘বু-রা’ ফাঁদ ত্রিকোণের ত্রিকোণ দিকটা মাটিতে লাগিয়ে একটু কাঁচ করে বসিয়ে দেয়া হয়। একটি দড়িতে বাঁধা আংটা ত্রিকোণের মধ্যের ফাঁকা জায়গায় আট-

কানো থাকে এবং সেই ভারী ত্রিকোণের ভার ধরে রাখে। বলা বাহুল্য, আংটা বাঁধা দড়িটি একটি খুঁটিতে কিংবা গাছে বাঁধা থাকে। সবশেষে আংটার সঙ্গে এক টুকরা মাংস বাঁধা দড়ি মাটির দিকে ঝুলিয়ে দেয়া হয়। কোন পশু সেই ঝুলন্ত মাংসের লোভ সামলাতে না পেরে যেই মাংসে কামর বসিয়ে টান মারে অমনি ত্রিকোণের সামান্য আটকানো আংটা খুলে যায় এবং ত্রিকোণটা পশুর উপরে পড়ে। ভারী বাঁধের ত্রিকোণের চাপে পশু হয় মারা যায় নয় মারাত্মক আহত অবস্থায় শিকারীর হাতে ধরা পড়ে।

‘বাতাচাউম’ ফাঁদ প্রথমত মাটিতে দেড় বা দুই কুট গভীর গর্ত করা হয়। ‘বাতাচাউম’ তারপর সেই গর্ত আবার গাছের ছোট ডাল, পাতা ইত্যাদি দিয়ে এমন ফাঁদ ভাবে ভরাট করে রাখা হয় যাতে জায়গাটিকে স্বাভাবিক ধারণা করা যায়। সব শেষে গর্তের সোজানুজি এক টুকরা মাংস ঝুলিয়ে রাখা হয়। কোন পশু ঝুলন্ত মাংস খেতে গেলেই গর্তের ভেতর পড়ে যায় এবং অনাস্থাস্টেই সেই পশু শিকারীর হস্তগত হয়।

‘টারুপাম’ও পশু ধরার ফাঁদ। ‘মাংখু’ এর সাহায্যে সাধারণত: পাখীই ধরা হয়ে থাকে। এছাড়াও আরো বিভিন্ন পদ্ধতিতে উচইরা শিকার ধরে থাকেন, যে পদ্ধতিগুলি সময় ও অবস্থানুযায়ী গ্রহণ করা হয়ে থাকে।

মাছ ও উচইদের খাত্তের মধ্যে অন্যতম। বিভিন্ন কায়দায় তারা ছড়া বা নদীর মাছ ধরে থাকেন। ছড়া বা নদীর দু’দিকে বাঁধ দেয়ার পর বেতের তৈরী ‘ফনছটাই’ দিয়ে মাছ শিকার সেপানকার জল পরিষ্কার করে মাছ ধরেন। অনেকে গভীর জলে হাতড়িয়েও মাছ ধরে থাকেন। আবার ‘রুত’ নামক বনের এক প্রকার শিকড়ের রস দিয়েও তারা নদীর মাছ ধরেন। অনেকগুলো ‘রুত’ গাছের শিকড় জড়ো করে ছড়া বা নদীর কোন জায়গায় চারদিকে বাঁধ দিয়ে প্রথমত মুগরের সাহায্যে শিকড় গুঁড়ো করে রস বের করেন। তারপর সব শিকড়ের রস বের করা হলে সেই বাঁধের জল ছেড়ে দেয়া হয়। সেই রসপূর্ণ জল তখন নদীর স্রোতের সঙ্গে মিশে গিয়ে সব জলকে বিষাক্ত করে। নদীর মাছগুলি তখন সেই বিষাক্ত গ্যাস সহ্য করতে না পেরে উপরদিকে ভেসে উঠে এবং অপেক্ষারত মাছ শিকারীদের হাতে ধরা পড়ে।

প্রাচীনকালের মত উচইরা বর্তমানে আর শিকারে বেরোন না। কেননা সেই গভীর বন আজ আর নেই। এবং তখনকার মত প্রচুর বস্ত্র জন্তুও আর বিচরণ করেনা যত্রতত্র। এছাড়া মুগের সঙ্গে ভাল মিশিয়ে তাদের অর্থনীতির মূল বনিয়াদও পরিবর্তিত হয়েছে অনেকদূর। তবে এখনও তারা সময় ও স্থান পালে মারো মধ্যে দলবদ্ধ ভাবে শিকারে বেরিয়ে প্রাচীন ঐতিহ্য প্রকাশ করেন।

কখন থেকে উচইরা পশুপালনে অভ্যস্ত হয়েছেন তার কোন সঠিক সময় নির্ধারণ করা না গেলেও সূদীর্ঘকাল থেকেই তারা পশুপালন করছেন একথা নিঃসন্দেহ স্বীকার (খ) পশুপালন করা যায়। মোরগ, ছাগল, শূকর ব্যতিত আধুনিক সমতল ভূমিতে ছায়া চাষবাধে অভ্যস্ত হওয়ার পর থেকে তারা গরু, মহিষ পালনও শুরু করেছেন।

অল্পাংশ উপজাতিদের মতই উচেরা যে প্রথম ঋতু উৎপাদন করে থাকেন সেই প্রথা 'জুম' বলে পরিচিত। তাদের ভাষায় সে প্রথার নাম 'হুট' বা 'হুক'। জুম চাষের (গ) ঋতু উৎপাদন কতকগুলি স্তর আছে। জুমিয়ারা ক্রমান্বয়ে সেট স্তর অগ্রসরী জুম চাষ করে থাকেন। যথা—(১) জায়গা নির্বাচন। (২) জঙ্গল কাটা (৩) টংঘর তৈরী (৪) শস্য রোপণ (৫) শস্য তোলা, ইত্যাদি।

জুম চাষের প্রথম থেকে আরম্ভ করে শেষ পর্যন্ত জুমিয়ারা নানাবিধ সংস্কার পালন করে থাকেন। বিশেষ করে কগবরক ভাসী বিভিন্ন উপগোষ্ঠীর জুমিয়ারদের পালিত নানাবিধ সংস্কারের মধ্যে প্রায় ক্ষেত্রে সাদৃশ্য লক্ষ্য করা যায়। প্রাচীন জুমিয়ারা সাধারণতঃ বর্ষা পরেরই সবুজ বনানীর বিভিন্ন পাংশু ঘূরে অহুলঙ্কান আরম্ভ করেন চাষের জায়গা নির্বাচন। জায়গা নির্বাচন চনের জন্তু। পছন্দমত জায়গা পেলে 'ওয়ারক' বা 'ওয়ারা' (একটি বীণের মাথায় আড়াআড়ি 'ক্রস' চিহ্নের মত আরও ছ'খণ্ড বীণ এঁটে তৈরী) পুঁতে রাখা হয়। যাতে অপর কেউ এসে তার নির্বাচিত জায়গা দখল করতে না পারে। সমস্ত জুমিয়ারাই এঁটে বিধি নিষ্ঠায় মেনে চলেন। 'ছাঁচুমা' বা পর্বত সন্ধানের কাছে এ যেন এক অলিখিত সংবিধান।

'ওয়ারক' বা 'ওয়ারা' পুঁতে জায়গা নির্বাচনের পর উচেরা নির্বাচিত জায়গায় জুম চাষে পারিবারিক তথা সাবিক মঙ্গল হলে কিনা এ বিষয়ে অল্প দেখে থাকেন। স্বপ্ন দুট হলেই নির্বাচিত জায়গায় জুম চাষ চলে অল্পব্যয় ঐ জায়গার পরিবেশে অহুলঙ্কান চলে অল্প কোন পছন্দমত পাংশু ঘূরে। অহুলঙ্কান পরেও 'তচ' বা যোগ বলি দিয়ে যোগের নাড়িভূঁড়ি বের করে 'ঘচাই' বা ওয়া, সেমা বা দিশা দেখেন। 'সেমা' বা দিশা যদি ভাল হয় অর্থাৎ জুমদেবতা যদি সন্তুষ্ট হয় (ওয়ার বিচারে) তবেই সেখানে জুম চাষ চলে অল্পব্যয় আবার জায়গা পরিবর্তনের প্রয়োজন দেখা দেয়।

এরপরই শুরু হয় জঙ্গল বা জুম কাটা। আগে বিস্তৃত জুমের পরিধির কাজ সমগ্র মত শেষ করার লক্ষ্যে হেমন্ত আসার সাথে সাথেই জুম কাটা আরম্ভ হত। বর্তমানে ২। জঙ্গল বাস্তব অবস্থার সংঘাতে জুমের পরিধিও ছোট হয়েছ বলে শীতকালেই সাধারণতঃ বা জুম কাটা জুম কাটার কাজ শেষ হয়ে থাকে। জুম কাটার কাজ পূর্বে পরিভ্রমের বলে প্রত্যেক পরিবারের শুধু পুরুষেরাই যৌথভাবে একজো অংশ গ্রহণ করে থাকেন। পর্যায়ক্রমে প্রতি পরিবারের জুম কাটার কাজ শেষ হয়। জুম বিনিময়ের এট প্রথাকে কগবরক ভাষায় 'চাগুল খিললাইমানি' বলা হয়। নির্বাচিত জুমের নীচের দিক থেকে সাধারণতঃ জুম কাটা হয়ে থাকে। জুমের বীণ ও অল্পাংশ গাছ গাছরাগুলিকে টিক গোড়ায় না কেটে মাটি থেকে কিছু উপরে কাটা হয়। কাটার পর সেগুলিকে আর কোনখানে না সরিয়ে সেপায়েই রাখা হয় যাতে সেগুলিকে পোড়ালে ছাই থেকে সার পাওয়া যায়।

বসন্তের স্ত্রোত্র-হাওয়ায় যখন কাটা বীণ ও গাছগুলি শুকিয়ে যায় তখন জুম পোড়ানোর কাজ শুরু হয়। সমস্ত জুম পোড়া শেষ হলে চলে 'হুক কক' বা জুম পরিষ্কারের কাজ। আধ-

পোড়া টুকরাগুলিকে এক এক জায়গায় জড়ো করে জুম এলাকা চাষোপযোগী করা হয়। সেই সমস্ত আধপোড়া টুকরাগুলির অনেকটা আবার লাকড়ি হিসাবেও ব্যবহৃত হয়।

ভারপর এক শুভদিনে বাণ দিয়ে বানানো হয় গাঠিরিং বা টংঘর। টংঘর বানানো শেষ হলে বিগত বছরের টংঘর ছেড়ে বাসা বদল চলে নতুন জুমের টংঘরে।

৩। গাঠিরিং বা এভাবেই বছরের পর বছর চলে এক পাহাড় থেকে আরেক পাহাড়ে টংঘর তৈরী বাসা বদল।

ভারপর অপেক্ষা চলে এক পশলা বৃষ্টির। বৈশাখের প্রথম ভাগে এক পশলা বৃষ্টি হয়ে গেলেই শুরু হয় জুম বোনার পাল। নারী পুরুষ নির্বিশেষে বা কোমড়ে ঠ। শষ্য রোপণ 'চেম্পাই' বা 'কাসলেং' (বেতের তৈরী ছোট খাড়া বিশেষ) বেঁধে ডান হাতে নেয় পুরানো দাঁ বা 'দামরা'। সারি দিয়ে 'দামরা' টা়ারা করে এক দুই কোপ দেয় মাটিতে আব বাঁ হাত দিয়ে কিছু কিছু বীজ ফেলে দেয়। এই বীজগুলির মধ্যে থাকে ধান, কার্পাস, ভিল, চালকুমোর, নিষ্টিকুমোর, জোয়ার, কাউন, শশা প্রভৃতি। বোনা হয় 'মাইজা' (নিভিন্ন প্রকারের ধার ধান), 'মাইমি' (মদের ধান), 'গুইয়ামা' (পিঠে ধান)। নতুন শষ্য গজানোর পর 'উরিখুঙ' পূজা দেয়া হয় জুমের ফসল নষ্ট না হওয়ার অভীষ্ট লক্ষ্যে। ধান বোনার পর থেকে ধান না কাটা পর্যন্ত অন্ততঃ তিনবার জুম নিড়ানোর প্রয়োজন পড়ে। জুমের ফলাদি পাকবার আগে 'বালাক' পূজা দিয়ে জুমের নতুন ফলগুলি আগে দেবতার নামে উৎসর্গ করা হয়। ভারপরেই জুমের ফল পাওয়া চলে।

আগষ্টের শেষ দিকে জুমের ধান পাকা শুরু হয়। তখন ক্ষণে বৃষ্টি ক্ষণে প্রখর রোদ উপেক্ষা করে ফসল ভোলার আনন্দে যেতে উঠেন সমস্ত জুমিয়ারা। জুমের ধান পাকা শুরু হওয়ার সাথে সাথেই উচইরা 'মাইফাঙ খুফাঙ' পূজা দিয়ে থাকেন। ধান কাটা শেষ

৫। শষ্য ভোলা হওয়ার পরও তারা 'মাইকুম' পূজা দেন। উভয় পূজাতেই মোরগ বলি দেয়া হয়ে থাকে।

জুমের সমস্ত ধান ভোলা হলে ঘরে ঘরে চলে 'মায় কাভাল' বা নবান্নোৎসব। রনভক বা রনভক বা লক্ষী পূজা দেওয়ার মাধ্যমে নবান্নোৎসব শুরু হলে নারী পুরুষ নির্বিশেষে যেতে উঠেন মস্তপানে ভুরিভোজে। গানে, নাচে, হাসিঠাট্টার জোয়ারে জেগে উঠে উচই গাঁও।

আধুনিক সমভল চাষীদের সারিখে এসে উচইরা বর্তমানে বহুলাংশেই কৃষিকাজের প্রতি ঝুঁকে পড়েছেন। তাই তাদের বর্তমান অর্থনৈতিক ক্রিয়াকলাপ ও পারিপার্শ্বিক আধুনিক পরিবেশকে ঘিরে। জুম চাষ তারা প্রায় আস্তে আস্তে ছেড়ে দেওয়ার চেষ্টা করছেন। এছাড়া জুম চাষের সরকম জায়গাও প্রায় নেই বলে অনেককে বাধ্য হয়ে জুম চাষে বিরত থাকতে হচ্ছে। এখানে উল্লেখ থাকে যে, একসময় ঘন আগাছা ও কাঁটা গাছ গাছরাপি কেটে সমস্ত উচইরাই কৃষিযোগ্য সমভল জায়গা যোগার করে কৃষিকাজে মনোযোগ দিলেও অনভিজ্ঞতা হেতু কিংবা অর্থনৈতিক প্রাতিযোগিতায় হেরে গিয়ে আজ অনেককেই ক্ষেত মজুর ও দিন মজুরে পরিণত হয়েছেন। বলা বাহুল্য, তাদের এই পরিণতির জন্য গ্রাম্য সুদখোর মহাজনরাও অন্ততম দায়ী। অজ্ঞ ও গরীব

কৃষকদের অর্থ নৈতিক দুর্বলতার স্বযোগ নিয়ে চড়া হুদে টাকা দিতে দিতে একসময়ে তাদের কৃষিযোগাভূমি বেচতে বাধ্য করে এবং ধীরে ধীরে সমস্ত জমিই মহাজনদের হস্তগত হয়ে যায়। ঐ সমস্ত কৃষকরাই আজ অর্থ নৈতিক পন্থায় ভুগছেন। বন থেকে বাঁশ, ছন, লাকড়ি যোগার করে সাংসারিক খরচ যোগানই তাদের একমাত্র সখল। আবার সরকারের সংরক্ষিত বনাঞ্চল বেড়ে যাওয়ার ফলে এবং সাথে সাথে বাঁশ, ছন, লাকড়ির, দুস্পায়াতাও বেড়ে যাওয়ায় বর্তমানে তীব্র অর্থনৈতিক সংকটে ওদের দিন কাটে। এ চিত্র শুধু উচ্চই সমাজেই সীমাবদ্ধ নয়, ত্রিপুরার অন্যান্য উপজাতিদের যথা ত্রিপুরী, জমাতিয়া, রিয়াং কাইপেং মলছম প্রভৃতির সমাজে ও সম প্রতিফলিত।

আশার কথা, বর্তমানে সরকার পঞ্চায়েতের মাধ্যমে সময়ে সময়ে এন, আর, ই, পি, ও এস, আর, ই, পি'র কাজ করিয়ে এবং উপজাতি অধুষিত অঞ্চলগুলিতে ল্যান্সপেসের মাধ্যমে গোরাকী ঋণ সহ বিভিন্ন ঋণ দিচ্ছে—ধীরে ধীরে কৃষিয়া ও উপজাতি দিনমজুরদের স্বনির্ভর করার মহতী প্রচেষ্টা নিচ্ছেন। এই বাস্তবমুখী পদক্ষেপ নিঃসন্দেহে অভিনন্দন যোগ্য। তবে এক্ষেত্রে বর্তমানে কিছু ঘাটতি দেখা দিলেও এক সময়ে তা দূরীভূত হবে না একথা অবশ্যই ঠিক নয়।

রাজ্যের অন্যান্য উপজাতিদের মতই উচ্চদের প্রত্যেক পরিবারই যেন এক একটি শিল্প কারখানা। কুটির শিল্পের মাধ্যমে তারা যে সমস্ত জিনিষ উৎপাদন করে থাকেন সেই সমস্ত জিনিষ সাধারণতঃ নিজের এবং পরিবারের প্রয়োজনেই লাগে। বাঁশ ও (ঘ) কুটির শিল্প বেতের তৈরী বিভিন্ন জিনিষ এবং তাঁতে বোনা বিভিন্ন কাপড় চোপড় বাজারে পাওয়া প্রায় দুস্বর বললেও চলে। যেহেতু নিজেরাই অবসর সময়ে সে সমস্ত জিনিষ তৈরী করে থাকেন বলে সেগুলোর বাজারজাত করার কোন প্রশ্নই উঠে না। তাই উচ্চ তথা উপজাতিদের কুটির শিল্পে প্রাতিযোগিতার ভেমন হোয়া নাই বললেও চলে। একথা উল্লেখ্য যে তাদের সেই শিল্পের জন্তু কাঁচামাল ক্রয়ের প্রশ্নও জড়িত নেই। বনজাত বাঁশ ও বাঁশ থেকে বেত এবং জুমে প্রাপ্ত তুলাই তাদের শিল্পের প্রয়োজন মেটায়। উচ্চই বিকলাঙ্গ এবং কঠিন পরিভ্রম করার ক্ষমতা যারা হারিয়ে ফেলেন তারা সাধারণতঃ বাড়ীতে বসে বাঁশ-বেতের কাজে মনোনিবেশ করেন এবং নিজের মধোই সেগুলো বেচে নিজের খাবার ও চলার পরমা যোগাড় করে থাকেন।

বন ও বাশের পরিবেশে উচ্চই তথা উপজাতিরা বহিষত বলে বাঁশ প্রতিক্ষেত্রেই তাদের অপরাধ। বাঁশ ও বেতের তৈরী বিভিন্ন জিনিষেই তাদের বাড়ীঘর সাজানো হয়ে থাকে। জিনিষপত্র বহন করা থেকে আরম্ভ করে মাছধরার, ধান মাপার, কাপড়চোপড় রাখার সমস্ত জিনিষই তাদের বাঁশ-বেতের তৈরী। দুরবর্তী জায়গায় বিভিন্ন বাঁশ-বেতের শিল্প জিনিষপত্র বয়ে নিয়ে যাবার জন্তু তারা 'নপাই' ও 'দিংগারা' ব্যবহার করেন এবং জলের কলস ও লাকড়ি বহনের জন্তু 'ভুয়-লাংগা' কাজে লাগান। জুয়ে লম্বা রোপণের সময় 'কাইছনি' ও 'চেম্পাই' ব্যবহার করে থাকেন। বাড়ীঘরে মূল্যবান জিনিষ ও কাপড়চোপড় রাখার জন্তু 'বখক', 'চাপা' ইত্যাদি

ব্যবহৃত হয়। বীজধান রাখার জন্য 'খট' এবং 'মৌং' ও টোলে ধান রাখা হয়। চাল রাখার জন্য তৌং বানানো হয়। মাপক যন্ত্র হিসাবে তিন ব্যবহৃত হয়। 'বাইলেং' এর দ্বারা তুষ ঝাড়া হয় এবং 'বাইলেংখু'তে জিনিষপত্র শুকানো হয়। মাংস, বাঁশকুড়ুল ইত্যাদি শুকানো। জগ পাতলা বেতের দ্বারা 'চাংমি' তৈরী করা হয়। মাছ ধরার যন্ত্র হিসাবে 'ফকছুই' 'সৈনাম' ইত্যাদি বানানো হয় এবং বসার জন্য 'জাংখাই', 'জামফ্রা' ইত্যাদি ব্যবহৃত হয়। যুবক যুবতী এবং নবদম্পতীদের ব্যবহৃত জিনিষ রাখার জন্য 'খে' বানানো হয়ে থাকে। এছাড়াও তারা 'সিমবু' বা আলনাও ব্যবহার করে থাকেন।

একথা উল্লেখ করবার প্রয়োজন যে, বাঁশ-বেতের কাজ সাধারণত: পুরুষরাই করে থাকলেও অনেক অভ্যস্ত মহিলাও একাজে অংশ গ্রহণ করে থাকেন। অনেক পরিবারের স্ত্রীলোকেরা একাজে পুরুষদের সমান দক্ষ থাকেন তবে মেয়েদের বেলায় বাঁশ-বেতের কাজ না জানা কোন দোষের না হলেও পুরুষরা একাজে অজ্ঞ থাকলে 'পংগা' আখ্যা পায় এবং বিবাহাদির বেলায় মেয়ে যোগাড় করা কষ্টসাধ্য ব্যাপার হয়ে দাঁড়ায়। তাই প্রত্যেক ছেলেকে জৈবিক ও বাস্তব প্রয়োজনে একাজে দক্ষতা অর্জন করতে হত। এমন কি একাজে সুদক্ষ ব্যক্তির সমাজে এক সময় আলাদা কদরও ছিল। তাই বাঁশ-বেতের কাজে সুদক্ষ প্রতিপন্ন করার একটা নীরব প্রতিযোগিতা সমাজে পরিলক্ষিত হয়।

অত্যন্ত উপজাতিদের মতই উচ্চৈরা যুব সরল জীবনযাপন করে থাকেন বলে তাদের পোষাকের ভেমন বাহ্যিক নেই। পুরুষদের নিম্নাংগে ব্যবহারের জন্য 'কাঁদা' এবং উচ্চাঙ্গের জন্য

'খুতাংতাক বরক' (জামা বিশেষ), মেয়েদের পরনের 'রিগনাই' বা পাছড়া, তাঁত শিল্প বক্ষাভরণের জন্য 'রিসা' সহ নিজেদের প্রয়োজনীয় সমস্ত জিনিষই তারা নিজস্ব 'খানতি' বা কোমড় তাঁতে তৈরী করে থাকেন। প্রাচীনকালে সমস্ত উচ্চৈ তথা উপজাতি রমণীরাই একাজে অংশ গ্রহণ করে থাকতেন। শিশুকাল থেকেই উপজাতি মেয়েদের তাঁত শিক্ষা অবশ্য কর্তব্য ছিল। তাঁত শিল্পে অজ্ঞ মেয়েদের রীতিমত 'পংগি' আখ্যায় আখ্যায়িত করা হত। সেইরূপ পংগি মেয়েদের বিয়ে দেওয়ার বেলায় বাবা-মা খুবই বিপদের সম্মুখীন হতেন বলে বাস্তব জীবনের প্রয়োজনেই অতি অল্প বয়স থেকেই 'রিকখের' মাধ্যমে তাঁত বোনা শিক্ষা দেওয়ার বিশেষ কায়দা। কোমড় তাঁতের অনুরূপ হাত দেড়েক সূতার দ্বারা ছোট কোমড় তাঁত বানিয়ে ছোট মেয়েদের হাতে তুলে দেওয়া হত। বড়দের দেখাদেখি ছোট মেয়েরাও খেলাচ্ছলেই এ শিক্ষায় শিক্ষিত হত) যা বা মাছুসদস্যরা কাপড় বোনা শিক্ষা দিতেন।

তাঁত শিল্প সংশ্লিষ্ট সমস্ত যন্ত্রই তাদের বাঁশের তৈরী। এমন কি সূতার মতন কাঁচামালও তাদের বাজার থেকে কেনার প্রসংহ ছিল না। জুমে উৎপাদিত কাপড়স থেকেই তারা নিজস্ব কাষদায় সূতা প্রস্তুত করতেন। তবে ইদানিং বিভিন্ন পারিপার্শ্বিক কারণে জুমাচাষের বিস্তারিত জায়গা নেই বলে তুলার উৎপাদনও অতিমাত্রায় কমে গেছে। তাই বর্তমানে তাদেরকে সূতা সংগ্রহের জন্য বাজার মুগাপেক্ষী হতে হয়েছে। আবার বাজার থেকে সূতা সংগ্রহের সাথে পরস্পর প্রসংহ জড়িত বলে বর্তমান কঠিন বাস্তবের সাথে সংগ্রামে তারা প্রায় হেরে গিয়ে ধীরে ধীরে গুটিয়ে ফেলতে বাধ্য হচ্ছেন নিজস্ব তাঁত।

চতুর্থ অধ্যায়

সামাজিক কাঠামো ও প্রথা

উচইরা সাধারণত হলুদ পিঙ্গল অথবা হালকা পিঙ্গল বর্ণের। অন্যান্য মহোল্লিখনদের মতই তারা পেশীবহুল স্ত্রীম শরীর, প্রশস্ত মাথা, গোলাকৃতি মুখ, পুরু শারীরিক বৈশিষ্ট্য ঠোট, ছোট চোখ, বোটা নাক ও খারা কালো চুলের অধিকারী।

তাদের শরীরে লোম ও দাঁড়িগোফ খুব কমই থাকে। পুরুষনারী নির্বিশেষে তারা কঠোর পরিষ্কার করার ক্ষমতা রাখেন। পুরুষ উচইরা লম্বা মাঝারী আকারের। মেয়েরা তুলনামূলকভাবে পুরুষদের চাইতে একটু বেটে।

উচইরা প্রধানতঃ বারটি গোষ্ঠি বা শাখায় বিভক্ত। যথা:—(১) পাইকতমা (২) খেয়াং (৩) জলাই (৪) উকচু (৫) উরেং (৬) চংপ্রাই (৭) কাইছনি আভ্যন্তরান শাখা (৮) তুম্বা যাকচ (৯) তুম্বা মাক্কা (১০) জলাই কাঁচাক (১১) জলাই কসম (১২) সিকাম পাইনজি। অনেক বয়স্ক উচইদের মতে পাইকতমা, খেয়াং ও জলাই তিন প্রধান উচইরাই ত্রিপুরাতে বর্তমান। বাকীরার অস্তিত্ব এ রাজ্যে নেই বললেও চলে।

বৈবাহিক স্ত্রীস্বামী উচইদের পারিবারিক সম্পর্ক গড়ে উঠে। প্রত্যেক উচই পরিবারের কেন্দ্রস্থলেই বাবা-মা থাকেন। বাবা মাকে কেন্দ্র করেই গড়ে উঠে পারিবারিক সংগঠন তাদের গোষ্ঠি ও সমাজ। আভ্যন্তরীণ প্রত্যেক গোষ্ঠি বা শাখার মধ্যেই তাদের প্রত্যেকের বিবাহরীতি প্রচলিত আছে। এরূপ ক্ষেত্রে ছেলে সন্তানেরা বাবার গোষ্ঠি বা শাখার পরিচয়ের পরিচিতি হর আর মেয়ে সন্তানেরা মার গোষ্ঠি বা শাখার পরিচয়ে পরিচিত লাভ করে। আরো পরিষ্কারভাবে বলা চলে, পাইকতমা গোষ্ঠি বা শাখার কোন ছেলের সঙ্গে খেয়াং গোষ্ঠি বা শাখার কোন মেয়ের বৈবাহিক সম্পর্ক স্থাপিত হলে তাদের সন্তানদের মধ্যে ছেলে সন্তানেরা পাইকতমা ও মেয়ে সন্তানেরা খেয়াং গোষ্ঠি বা শাখা হিসাবে পরিচিত হয়। এতে কিন্তু তাদের পারিবারিক আত্মীয়তার সম্পর্ক ছিন্ন হয় না। প্রত্যেক পরিবারের সদস্যই অর্থনৈতিক কাজ, যথা—খাদ্য আহরণ, খাদ্য উৎপাদন, বস্ত্র তৈরী ইত্যাদি কাজে অংশ গ্রহণ করে থাকেন। বলা বাহুল্য, বাবা-মা'র নেতৃত্বে যৌথভাবেই এ সমস্ত কাজ হয়। পারিবারিক শৃঙ্খলা রক্ষা থেকে আরম্ভ করে সমাজে প্রতিনিধিত্ব করার দায়িত্বপূর্ণ কাজগুলি পরিবারের কর্তা হিসাবে বাবাই করে থাকেন। অনেক ক্ষেত্রে বাবার কর্মক্ষমতা হারিয়ে গেলে কিংবা মারা গেলে বড় ছেলেরা এ দায়িত্ব পালন করে থাকেন। সাধারণতঃ তিন পুরুষ পঞ্চম উচইরা যৌথ পরিবারভুক্ত থাকলেও বর্তমানে এ ধরণের বড় পরিবার দেখা যায় না বললেও চলে।

উচইদের গোষ্ঠি সম্বন্ধ প্রাথমিকভাবে পরিবারকে কেন্দ্র করে গড়ে উঠে নিজেদের বংশ পরম্পরই সীমাবদ্ধ থাকে। এখানে উল্লেখ থাকে যে, তাদের মধ্যে নিকট আত্মীয় বিয়ের রীতি

প্রচলিত নেই। এর জগ্গেই মার ভাই বা বোনের মেয়ে অথবা বাবার ভাই বা বোনের মেয়ে আত্মীয়তার সম্বন্ধ বিধায় বাবা মার ভাই বা বোনের ছেলের বিয়ে হয় না। এই নিয়ম ত্রিপুরার অন্তর্গত উপজাতি, যথা, ত্রিশুগা, জমাতিয়া, নোয়াতিয়া, কাইপেং, গাকদের মধ্যেও প্রযোজ্য।

উচইদের স্বামী-স্ত্রীর মধ্যে সম্পর্ক সাধারণতঃ ষোড়শ পরিবারের নিয়ম অনুযায়ীই প্রচলিত।

স্বামী-স্ত্রীর মধ্যে সম্পর্ক এক ঘরে থাকি, খাওয়া, ঘুমানো সবার ক্ষেত্রেই দ্বাভাবিক রেওয়াজ। এমন কি নবদম্পতিরের জন্যও আলাদা কোন ঘর বা কক্ষের ব্যবস্থা থাকে না। এর ফলে তাদের স্বাধীন জীবনযাত্রা নির্বাহ কঠিন হলেও পরস্পরের মধ্যে মনোমালিন্য কিংবা ভুল বোঝাবুঝির সৃষ্টি হয় না। নিক্রিয়ায় শ্রম বিভাজনের নীতি মেনে তারা ক্রীতিক্ষের ধারা বজায় রাখেন। স্ত্রী কাজে গেলে ছেলেমেয়ে দেখাশুনা থেকে আরম্ভ করে রান্নাবান্নার কাজও স্বামীর দ্বারা হয়ে থাকে।

পরিবারের সর্বময় কর্তৃত্ব স্বাভাবিক নিয়মেই বাবার হাতে বর্তায়। এই নিয়ম ছেলেমেয়ে বড় না হওয়া পর্যন্ত বজায় থাকে। বিয়ের পর ছেলেমেয়ে স্বনির্ভর বিবেচনায় ভিন্ন হয়ে গেলে স্বাভাবিকভাবেই ছেলেমেয়েরা নিজের কর্তৃত্ব সংসার চালায়। নিজ নিজ বাবা মা'র সঙ্গে ছেলেমেয়েদের বাড়িরে তুলার কাজ সমভাবেই বাবা মা করে থাকেন। ছেলেমেয়েদের এখানে একটা কথা উল্লেখ করার প্রয়োজন যে, ছেলে সন্তানেরা সাধারণতঃ শিল্পকাল থেকেই বাবার অধীনে জীবিকা নির্বাহের জন্য অর্গনৈতিক ক্রিয়াকলাপ, যথা : শিকার, বাশবেতের কাজ, চাষ ইত্যাদির শিক্ষা নিয়ে থাকে। অপরদিকে মেয়েরা মা'র অধীনে থেকে জল আনা, রান্না করা, কাপড় বোনা, শিশুদের দেখাশুনার কাজ লিখে থাকে।

প্রায় সমাজেই আত্মীয়তার সম্বন্ধ সামাজিক নিয়মাত্মসারে প্রচলিত। কোন পরিবারের স্বামী স্ত্রীই তাদের বড়জনদের নাম ধরে ডাকেন না। বিশেষ করে খশুর, স্বামী স্ত্রীর সঙ্গে খাশুরী, খুড়োখুড়ী বড় ভাই, বড় বোন ইত্যাদিদের স্বামী স্ত্রীরা সমীহ করেই চলেন এবং প্রয়োজন ব্যতিরেকে কথাবাতী বলেন না। রান্না, বড়জনদের পরিবেশনে কোন রকম বাধা না থাকলেও পরিবারের বড়জনদের বিশেষ করে স্বামীর বড় ভাই কিংবা স্ত্রীর বড় বোনদের ছুঁয়ার নিয়ম উচই সমাজে পরিলক্ষিত হয় না।

পরিবারের ছোটদের সঙ্গে স্বামী স্ত্রীর সম্পর্ক বড়জনদের সঙ্গে সম্পর্কের সম্পূর্ণ বিপরীত থাকে। স্বামীর ছোট ভাইবোন বা স্ত্রীর ছোট ভাইবোনদের সঙ্গে স্বামী স্ত্রীর সহসা বাক্য স্বামী স্ত্রীর সঙ্গে বিনিময়, হাসি—ঠাট্টা, হালকা কথাবাতী ইত্যাদিরও বিনিময় হয়। স্ত্রী পরিবারের মারা গেলে অনেক স্বামী স্ত্রীর ছোটবোনকে বিয়ে করার প্রমাণও পাওয়া ছোটদের সম্পর্ক যায়। বাংলা ভাষাভাষীদের মধ্যেও এ রেওয়াজ প্রচলিত আছে। এমনকি দেবর কথাটিও দ্বি—বর মানে দ্বিতীয় বর শব্দজাত বলেই পণ্ডিতদের অভিমত।

উচইরা নিজেদের ভাষায় আত্মীয়তা সন্ধান করে থাকলেও তাদের অনেক শব্দই বাংলা থেকে গ্রহণ করা। ত্রিপুরার কণবরকভাষী অন্যান্য উপজাতিরাও বাংলা শব্দ গ্রহণ করা থেকে মুক্ত নয়।

নীচে বাংলা অর্থ সহ ত্রিপুরী ও উচইদের আত্মীয়তা সন্ধানের তালিকা দেয়া হল :

বাংলা	ত্রিপুরী	উচই
প্রপিতামহ	বাক্তর	য়ং চালা
প্রপিতামহী	মাক্তর	য়ং বোরীয়
পিতামহ	চুচু বা দাবুড়া বা দাহু	চুচু
পিতামহী	নানা বা আচুই	আচুই
পিতা	ফা অথবা বা	ফা অথবা পা
মাতা	আমা অথবা মা	আমুং
জ্যেষ্ঠা	আয়ুং অথবা জ্যেষ্ঠা	আয়ুং
জ্যেষ্ঠাইমা	আয়ুং বোরীয় অথবা য়ং বোরীয় অথবা জ্যেষ্ঠা	আয়ুং বোরীয়
মামা (মার বড়)	য়ং চালা অথবা মামা	মামা
” (মার ছোট)	মামা	মামা
মামী (মার বড়)	য়ং বোরীয় অথবা মামী	আত্তয়
মামী (মার ছোট)	মামী	আত্তয়
মেসো (মার বড়)	মুউা অথবা য়ং	মামা
” (মা ছোট)	মুউা	ঐ
মাসী (মার বড়)	য়ং বোরীয় অথবা মই	আত্তয়
” (মার ছোট)	মই	ঐ
কাকা	কাকা	মামা
কাকী	কাকী	আত্তয়
পিসা (বাবার বড়)	পিয়া অথবা য়ং চালা	আয়ুং
” (বাবার ছোট)	পিয়া	মামা
পিসী (বাবার বড়)	পি অথবা য়ং বোরীয়	আয়ুং
” (বাবার ছোট)	পি	আত্তয়
খত্তর	কোরা	কোরায়
খত্তরী	কোরাঙ্ক	কোরায়ং
সংবাবা	ফাত্তয় অথবা কত্তয়	ফাকত্তয়
সংমা	মাক্তর	মাকত্তয়

বাংলা	ত্রিপুরী	উচই
বড় ভাই	দাদা	ঘাতা
ছোট ভাই	কুকুই বা ফায়ং	ফায়ং
বড় বোন	বায়	আবি
ছোট বোন	হানক	হানক
বৌদি	বাতুই	বাতুই
ছোট ভায়ের স্ত্রী	উাইজুক	উাইজুক
জামাইবাবু	কুমুই	কুমুই
ছোট বোনের জামাই	উাই	উাই
স্বামী	সাই	সাই
স্বী	হিক	হি
সখদী	উাই	উাই হকরা
সখদীর স্ত্রী	বাতুই	বাতুই
শ্যালক	পারাত	মপারাতকহা
শ্যালিকা	পারাতজুক	মপারাতজুকমা
ভায়রা	কুমুই	কুমুই
ভাসুর	উাই	উাই
জা	বাতুই	বাতুই
দেবর	পারাত	পারাত
ননদ	উাইজুক	উাইজুক
ভ্রাতৃস্পৃহ	বাতিজা	বাতিজা
ভাগনে	বাগিনা	বাগিনা
কল্লা	সাজুক	সাজুক
বেহাই	চামাই	চামাই
বেহাইন	চামাইজুক	চামাইজুক
নান্তি	সুক	মুইসু
পুতিন	পুতিন অথবা বরা	বরা

তালিকা লক্ষ্যে দেখা যায় ত্রিপুরীর প্রপিতামহ ও প্রপিতামহীকে বা কত্তর ও মা কত্তর সম্বোধন করলেও উচইরা যথাক্রমে যং চালা ও যং বারায় সম্বোধন করে থাকেন। মামা কাকা, মেসো পিসাদের তারা 'মামা' সম্বোধনই করেন। এছাড়া অন্যান্য সম্বোধনগুলির বেলায় ত্রিপুরীদের সাথে উচইদের তেমন পার্থক্য দেখা যায়না।

স্বামী স্বীরা কখনো কারো নাম উচ্চারণ করেন না। পরম্পরের মধ্যে তাঁরা 'মুঙ' মানে 'ভূমি' সন্বেধন করে থাকেন। ছেলে বা মেয়ের বাবা বা মা হলে অমুকের বাপ বা অমুকের মা সন্বেধনে পরম্পর ডাকেন। অস্ত্রের সঙ্গে খালাপের সময় স্বামী বা স্বীর প্রসঙ্গ উঠলে অমুকের বাপ বা অমুকের মা বলে মন্তব্য প্রকাশ করা হয়।

খাড়া ও পানীয়

অস্ত্রাস্ত্র উপজাতিদের মতই উচইদের খাড়াও খুব সাধারণ। তাদের পরিবেশ ও অর্থনৈতিক সংগতির সাথে সামঞ্জস্য রেখেই এই খাড়াভাস গড়ে উঠেছে। এ প্রসঙ্গে অবশ্য উল্লেখ্য করা যায় যে, পৃথিবীর যে কোন জাতি গোষ্ঠীর খাড়াভাসই নিজস্ব পরিবেশকে কেন্দ্র করে গড়ে উঠে। তাই বিভিন্ন ভৌগোলিক পরিবেশে বর্ধিত ভিন্ন জাতি-খাড়া গোষ্ঠীর খাড়া ভিন্ন রকমের। কঠিন পরিশ্রমে অভ্যস্ত উচইরা সকাল, দুপুর ও সন্ধ্যা চক্ষিণ ঘটায় তিনবার খেয়ে থাকেন। বলা বাহুল্য, এই খাড়ের মধ্যে ভাতই প্রধান। তরকারী হিসাবে বাশ করুল, বন আলু, বন-পুত্র মাংস, মাছ, ব্যাঙ ইত্যাদি খেয়ে থাকেন। তিন প্রধান পদ্ধতিতে তাদের এই খাড়া চলে। যথা—(১) সেক (২) পোড়া ও (৩) সেক।

(১) সেক ভাতের সঙ্গে বিভিন্ন রকমের সেক তরকারী তারা খেতে অভ্যস্ত। সেক তরকারীগুলির মধ্যে উল্লেখযোগ্য হল (ক) গদক বা গুদক (খ) বৃহ্ম (গ) খাওয়ানতুক বা পিঠালি এবং (ঘ) চাখুর।

(ক) গদক বা গুদক—কাঁচা তরকারীগুলিকে কুচি কুচি করে কেটে একটি বাঁশের চোন্ধে লবন, মরিচ ও সিদল দিয়ে ভরে উপরে পরিমানমত জল ঢেলে দেয়া হয়। তারপর চোন্ধের মুখ ভাল করে কলাপাতা দিয়ে বন্ধ করে জ্বাল দেওয়া হয়। খাড়নের তাপে গরম হয়ে চোন্ধের তরকারী ফুটে ফুটে মুখ বন্ধ করা পাতাগুলিকে উপরের দিকে ঠেলেতে থাকলেই বোঝা যাবে তরকারি সেক হয়ে গেছে। তারপর চোন্ধটি ঠাণ্ডা জারগায় সরিয়ে আরেকটি ছোট অথচ শক্ত বাঁশের ডাণ্ডা দিয়ে ভিতরের তরকারিগুলিকে গুঁড়া করা হয়। চোন্ধের সমস্ত তরকারী গুড়া হয়েছে মনে হলে সমস্ত তরকারিগুলিকে একটি পাত্রে ঢেলে চোন্ধটি ফেলে দেওয়া হয়। এই পদ্ধতির রান্নাকে স্থানীয় বাংলা ভাষায় 'চোন্ধা গুটানি' ও বলা হয়ে থাকে। মাছ, মাংস ছাড়া সাধারণতঃ বাশ করুল, বিভিন্ন রবিশষ্য এই পদ্ধতিতে রান্না হয়ে থাকে। তবে স্বাদ বৃদ্ধির জন্য অনেক সময় গুঁড়া মাছ, কাঁকড়া ইত্যাদি তরকারীর সাথে দেয়া হয়ে থাকে। বর্তমানে গদক রান্নার পদ্ধতিরও অনেক পরিবর্তন সাধিত হয়েছে। বাশ-পরিবেশ থেকে দূরে বাঁসা থাকেন বিশেষ করে শহরবাসীরাই আধুনিক পদ্ধতিতে গদকরান্নার দাবীদার। আধুনিক পদ্ধতিতে চোন্ধের পরিবর্তে এলুমিনিয়ামের ডেকে বা করাইতে লবন, মরিচ ও সিদল সহ তরকারী দিয়ে সামান্য জল মিশিয়ে জ্বাল দেয়া হয়। উপরে অবশ্যই ঢাকনা থাকে। তরকারি সেক হয়ে গেলে ঝোলগুলি আলাদা পাত্রে ঢেলে কিংবা শুধু তরকারিগুলি আলাদা পাত্রে তুলে সামন্য

মাখা হয়। মাখবার সময় সামান্য পেঁয়াজও কুচি কুচি করে কেটে দেয়া হয়ে থাকে।

(খ) বুতুয়—ঝোল। কাঁচা তরকারির সাথে জল মিশিয়ে লবন, মরিচ ও সিদল দিয়ে এলুমিনিয়ামের ডেক বা করাই চাশিয়ে জাল দেয়া হয়। তরকারী সেদ্ধ হলে নামিয়ে ডাঙের সাথে মেখে খাওয়া চলে। কাঁচা তরকারি ছাড়া অনেক সময় শুধু পরিমাণমত জলে সিদল, লবন ও মরিচ সহ ঝোল সেদ্ধ হয়। এই পদ্ধতির স্থানীয় নাম 'বেরমা বুতুয়' বা সিদল ঝোল।

(গ) আওয়ানহুক বা পিঠালি রান্নার পদ্ধতি প্রায় 'বুতুয় রান্নার মতই। শুধু তরকারি নাশাবোর আগে পরিমাণমত খাতপ চাল বেটে তরকারীতে ফেলে নাড়া দিলেই চলে। বর্তমানে কেউ কেউ স্ফুগন্ধের জন্য রহুন ছেঁচে দিয়ে থাকেন।

(ঘ) 'চাখুয়' এর স্থানীয় বাংলা 'কারপানি'। প্রথমে বাঁশ-কয়লাগুলিকে বেতের তৈরী তিন কোন বিশিষ্ট একটি পায়ে নিয়ে উপরদিক থেকে জল ডালা হয়। কয়লার সাথে সেই জল মিশে কার তৈরী হয় এবং ত্রি কার-জলই তরকারির ঝোল হিসাবে কাঁচা তরকারির সাথে মিশিয়ে জাল দেয়া হয়। বলা বাহুল্য লবন, মরিচ ও সিদল সব পদ্ধতির রান্নাতেই প্রযোজ্য। বিশেষ করে শকু বা শুকনো তরকারিগুলিকেই 'চাখুয়' রান্না হয়। আবার অনেক সময় তরকারি না মিশিয়েও শুধু কার জল দিয়েই তরকারি রান্না করা হয় থাকে। বর্তমানে অনেকেই বাজার থেকে সোড়া সংগ্রহ করে কার জলের অভাব পূরণ করে থাকেন।

উচইরা বাদেও এ রাজ্যের দেববর্মা, রিমাং জমাতিয়া প্রভৃতি উপজাতিদের উল্লিখিত গদক বুতুয়, আওয়ানহুক, ও চাখুয় বিশেষ প্রিয় খাদ্য। এখানে উল্লেখ করা মোটেই আর্থো-স্ত্রিক নয় যে, আগরতলা শহরবাসী দেববর্মারা অনেকেই নিজেদের ভাষা ভুলে গেলেও উল্লিখিত পদ্ধতিতে রান্না করা তরকারি খেতে মোটেই ভুলে যাননি।

(২) পোড়ে খাওয়া সম্পূর্ণ আদিম পদ্ধতি। মাছ, মাংস, বনজালু প্রভৃতি পোড়া দিয়ে খাওয়ার অভ্যাস এখনও উপজাতিদের মধ্যে লক্ষ্য করা যায়। বিশেষ করে 'ভট্টা' করার পদ্ধতিতে মরিচ ও সিদল অবশ্যই পোড়া দিতে হয়।

(৩) সৈক খাওয়াও আদিম পদ্ধতির অন্তর্গত। এই পদ্ধতি আধুনিক সভ্যতার সংস্পর্শে এসে অনেকটা লুপ্ত হয়ে গেলেও মাংসাদির বেলায় 'সিংক' গেথে রেখে খাওয়ার পদ্ধতি চোখে পড়ে।

সমস্ত বাঙালীদের সান্নিধ্যে এসে উচইরা বর্তমানে ভেল, মশলাদি সহ রান্নার পদ্ধতি মাথমে জানলেও অন্যান্য উপজাতিদের মতই খুব কম মশলা পছন্দ করেন। আধুনিক প্রাপ্য সমস্ত খাদ্য উপকরণই তারা বর্তমানে খেয়ে থাকেন।

প্রায় সমস্ত উচইরাই ধূমপানে অভ্যস্ত বললেও অত্যাক্তি হয় না। নারীপুরুষ নির্বিশেষে অন্যান্য উপজাতিদের মতই তারা ধূম পান করেন। প্রত্যেকের ঘরেই বাঁশের তৈরী

হঁকা থাকে। কাজের ফাঁকে বিশ্রামের সময় তারা আয়েস করে ধূমপান করেন। বিভিন্ন আলাপের সময়, বিবাহোৎসব এবং পূজাপার্বনে ধূমপান তাদের অপরিহার্য। বন্ধু-বান্ধব কিংবা ঘরে অতিথি এলে প্রথমেই তারা হঁকার ধূমপানের অভ্যর্থনা জানান। ধূমপান রেখে ঢেকে কিংবা লুকিয়ে যাওয়ার নিয়ম তাদের মধ্যে নেই। তারা বাবা-মা, ছেলে বৃদ্ধো একত্রে নিধিধায় ধূমপান করে থাকেন।

বর্তমানে অনেকেই বিড়ি সিগারেট পান করেন। আধুনিক শিক্ষিত ছেলেরা বাঙ্গালীদের সংস্পর্শে এসে অনেক সময় সমীহ করে বাবা মা বা গুরুজনদের সামনে বিড়ি সিগারেট খাওয়া থেকে বিরত থাকতে চান।

মদ্যপান উচই তথা উপজাতি জীবনের সাথে অঙ্গাঙ্গীভাবে জড়িত। পূজাপার্বন, বিভিন্ন উৎসব অহুঠানে মন প্রদান আবশ্য কর্তব্য বিধায় সমস্ত উচইরাই মন্যপানে অভ্যস্ত। ধূমপানের মতই মদ্যপানেও তাদের কোন সীমাবদ্ধতা নেই। নিঃসন্দেহে গুরুজনদের পানীয় মদ্রে একত্রে মদ্যপান সামাজ্যে প্রচলিত।

তবে আজকাল সে সব প্রথা উঠে যাচ্ছে। খুঁটানদের সংস্পর্শে এসে অনেকেই খুঁটধর্মে দীক্ষিত হয়ে ঐতিহ্যগত সামাজিক প্রথার অনেক দূরে চলে যাওয়ার বিভিন্ন পূজাপার্বন ও উৎসব অহুঠানে মদ্য প্রদানের প্রথা লুপ্ত হওয়ার সাথে সাথে অনেক উচই পাড়াতেই মদ্যপান একেবারে চলে না।

দ্বিতীয়ত, সামান্য রোগেও বর্তমানে আধুনিক চিকিৎসার শরণাপন্ন হওয়ার ফলে স্বাভাবিক ভাবেই সেকলে প্রথা দেবতা কিংবা অপদেবতাদের সঙ্কট বিধানের জন্য মদ্য নিবেদনার্থে ঘরে ঘরে মদ বানানোর প্রয়োজনবোধ কমে গেছে। তাই যখন তখন ঘরে অতিথি এলে অতিথির সম্মানার্থে মদ্যপানে বসে যাওয়ার নিয়ম আর নেই বললেও চলে। তাছাড়া অর্থ-নৈতিক অবস্থা ভেঙ্গে যাওয়ার ফলেও অনেকেকে বাধ্য হয়ে প্রাচীন ঐতিহ্যের অনেক দূরে চলে যেতে হচ্ছে।

উপরন্তু অনেক শিক্ষিত ছেলের মদ্যপানের কৃৎসলতা সৎকে সচেতনতার প্রত্যক্ষ ফল সমাজে প্রতিফলিত হওয়ার কারণে উচই সমাজ থেকে মদ্যপান দূরীভূত হচ্ছে।

অস্ত্রা উপজাতিদের মতই উচইদের পোশাক পরিচ্ছদও অতি সামান্যই। উচই পুরুষেরা নিম্নাংগের জন্তু নিজের তৈরী 'কাঁসা' (লেংটি বিশেষ) এবং উচ্চাংগের জন্তু পোশাক পরিচ্ছদ 'খুঁতাই তাঁকবরক' (জামা বিশেষ) ব্যবহার করে থাকেন। তবে বর্তমানে তারা এধরণের পোশাক ব্যবহার প্রায় ছেড়ে দিচ্ছেন বললেই চলে। অধিকাংশ বয়স্কদেরই নিজের তৈরী পাছড়া পড়তে দেখা যায়। আধুনিক ছেলেরা শিক্ষিত অশিক্ষিত নির্বিশেষে অধিকাংশই স্মার্ট শার্ট ব্যবহার করেন। ধুতি, লুঙ্গির ব্যবহারও নজরে পড়ে।

পূর্বে সামাজিক প্রথাহারা উচই ছেলেরদের তের বছরের আগে কাপড় পড়তে দেখা হত না। তের বছর পূর্ণ হলেই 'কবেংবুয়ি' পুঞ্জা দিয়ে ছেলেরদের 'কাঁসা' ব্যবহার করতে দেখা

হত। যেসেদের ‘রিগনাই’ বা পাছড়া পড়ার বেলায় তেমন কোন বাধা না থাকলেও ‘রিশা’ (বন্ধাভরন) ব্যবহারের বেলায় ‘কবেং বুমি’ পূজা দিতে হত। তবে আজকাল অধিকাংশ উচইরাই সে নিয়ম অহুসরণ করছেন না।

উচই মহিলারা নিজের তৈরী ‘রিগনাই’ কোমড়ে জড়িয়ে বুকে ‘রিশা’ বাঁধেন। আবার নিজের তৈরী ‘খুতাঠ’ ব্রডাঙ্কও ব্যবহার করে থাকেন। রিঘাং মহিলাদের তুলনায় তারা একটু হাঁটু নীচ অবধি পাছড়া পড়ে থাকেন বলে দাবী করা হয়। অলংকারের মধ্যে ‘গলায় লক’ নামক ছোট ছোট পুঁতির মালা সহ এক ছড়া টাকার মালা পড়েন। হাতে রূপার রাস ‘চুদি বিশেষ’ ওত্র (বালা বিশেষ) ব্যবহার করেন। কানে নাবাক, ওয়ার্থ, ওয়ারে (কানের দোল বিশেষ) ও খোঁপায় সাংগা (লোহার ক্লিপ বিশেষ) ব্যবহার করে থাকেন।

বয়স্কদের মধ্যে উল্লিখিত পোশাক অলংকারের ব্যবহার দেখা গেলেও আধুনিক মেয়েদের মধ্যে সে ধরণের পোশাক ও অলংকারের ব্যবহার খুব কমই নজরে পড়ে। আধুনিক মেয়েরা পায়ের গোঁড়ালী পর্যন্ত নিজের তৈরী পাছড়া পরেন। আধুনিক রাউজের ব্যবহারও দেখা যায় আবার অনেকে ছেলেদের মত শাটও ব্যবহার করেন। তবে শাড়ীর ব্যবহার খুব কম বললেও চলে। হাতে, গলায়, কানে বা নাকে বয়স্কদের মত অলংকার ব্যবহার তারা প্রায় ছেড়ে দিচ্ছেন বললেও অত্যাঙ্কি হয় না। আধুনিক অলংকারের প্রতিও তাদের আগ্রহ প্রায় দেখা যায় না।

অবসর বিনোদন

অস্ত্রান্ত জাতিগোষ্ঠীর মতই উচইরাও কঠিন পরিশ্রমের ফাঁকে ফাঁকে বিভিন্ন উপায়ে অবসর বিনোদন করে থাকেন। একসাথে বসে তামাক খাওয়া, মগুপান, হাদিঠাট্টা করা ইত্যাদি বাদেও বুদ্ধিমত্তার প্রকাশ ও বৃদ্ধির জন্তু খেলাধুলা, অতীত স্মৃতিচারণ, পূর্বপুরুষদের কাহিনী, বিভিন্ন ধরনের রূপকথা-উপকথা বলার মাধ্যমে তারা অবসর বিনোদন করে থাকেন।

খেলাধুলা সাধারণত ছেলেমেয়ে, কিশোর কিশোরী ও যুবক যুবতীরাই করে থাকে। আগেই উল্লেখ করা হয়েছে বহুদিন ধরে অস্ত্রান্ত উপজাতিদের পাশাপাশি বসবাস করার দরুন কোন খেলা কোন সম্ভাব্য খেলে কে রপ্ত করেছেন তা বলা অত্যন্ত খেলাধুলা মুশকিল। উচই পুরুষরা সাধারণত: সোঁরাই বা স্কুই (বিলা), হাহুহু, উাহুংলাইমা (একটু বীণের মাধ্যমে শক্তি পরীক্ষা) ইত্যাদি খেলার মাধ্যমে বুদ্ধিমত্তা ও শক্তিমত্তার পরিচয় দিয়ে থাকেন। মহিলারা খড়ি, বাঁশের কাইম ইত্যাদির খেলার মাধ্যমে তাদের অবসর বিনোদন করে থাকেন। ছেলেমেয়েরা কানামাছির প্রায় অহুসরণ কানা খেলা, গোলামচুর, দারিয়ারান্দা ইত্যাদি খেলা বাদেও বড়দের অহুসরণে সোঁরাই হাহুহু, উাহুংলাইমা’ খড়ি, বাঁশের কাইমের খেলা ইত্যাদি খেলে নিজে কে বাড়িয়ে তোলে। বর্তমানে ফুটবল, ভলিবলের মত আধুনিক খেলার প্রচলনও উচই সমাজে দেখা যায়।

খেলাধুলার মতই ত্রিপুরার প্রায় উপজাতিদের মধ্যেই রপকথা উপকথাখাদির সাদৃশ্য পরিলক্ষিত হয়। যুধাং খুইচেমা বা মৌখীরাছানি কেরেং কথমা, উাকজরফা বাই

মাসাজ্বরফানি করেংকথমা, শিশিংতুই মাইকংভুই ইত্যাদি রূপকথাগুলি
রূপকথা-উপকথা ত্রিপুরী, রিয়াং, জমাতিয়া, কলই এককথায় কগবরক ভাষাভাষী সমস্ত
উপজাতিদের মধ্যে সমভাবেই প্রচলিত।

উচই সমাজে প্রচলিত রূপকথা-উপকথার বিস্তৃত উল্লেখ এ পরিমরে সম্ভব নয় বিধায় নীচে
একটি উপকথার উদাহরণ দেয়া গেল।

ভেনতিয়ানি করেং কথমা

কোন এক গাঁয়ে ভেনতিয়া নামে এক গোক ছিল। একদিন সে হাতে ভাক্কল নিয়ে
ঘরের ভিতরে বাইরে ঘোরাফিরা করে ঠিক করণ কাজে বেরোবে। কাজে হাত দেবার আগে তার
মনে পড়ল ভাক্কলে ধার দেয়া দরকার। সামনেই একটি খালি নৌকা দেখতে পেয়ে তার
উপরে বসেই আবেশ করে ভাক্কলে ধার দেয়া যাবে মনে করে সে নৌকায় গিয়ে বসল এবং
একমনে নৌকার গলুইয়ে ভাক্কল ধার দিয়ে চলল।

ধার দিচ্ছে তো দিচ্ছেই—ভেনতিয়ার কোন হাঁস নেই। হঠাৎ অগুকেবে সাংঘাতিক ব্যথা
অনুভব করে ভেনতিয়া তড়াক করে লাফিয়ে উঠল এবং দেখতে গেল একটি চিংড়িমাছ পালিয়ে
যাচ্ছে। দারুণ রাগ হল চিংড়ি মাছের উপর তার। কিংকত'ব্যবিস্মৃত ভেনতিয়া সামনের
খাইবাই-এর (এক ধরণের লতার ফল) উপরেই বসিয়ে দিল ভাক্কলের কোপ। ঝুপ করে
খাইবাই ফল পড়ে গেল জলে। আর পড়বি তো পড় খাইবাইট একেবারে পড়ল গিরে সইল
মাছের মাথায়। 'বম' করে লাফিয়ে উঠল সইল মাছ ভয়ে। বান্ধারে সেকি শব্দ! ধারেই
এক শূকর কচু-ছড়া খাচ্ছিল আপন মনে সইল মাছের বিরাট লাফ দেখে সেও দিল এক
দৌড়। পাশেই একটি ছোট গাছে ছিল এক বাহুরের বাসা। শূকরের বিরাট
শরীরের ধাক্কার গাছটি প্রায় ভাঙেই আর কি। শেষ পর্যন্ত গাছটি
রক্ষা পেলেও বাহুরের বাসা আর রক্ষা পায়নি—ছটকে পড়ল গিরে মাটিতে।
ভাষাচ্যাকা খেয়ে বাহুর উড়তে শুরু করল দু'চোপ বুজে। উড়তে উড়তে এক সময় যে সুরক
করে চুকে পড়ল রাজার সাদা হাতীর গুঁড়ে। এদিকে রাজার সাদা হাতী বন্ধ করে দিলে
খাওয়া দাওয়া। হাতী রক্ষকেরা কত রকমের খাবার দিল কিন্তু হাতীটি ভাকিয়েও দেখছে না
সেদিকে। না খেতে খেতে রাজার আনরের সাদা হাতীটি শুকিয়ে যেতে লাগল।

রাজা পড়লেন মহা চিন্তায়। ভাক পড়ল গনৎকারদের। রাজার ভাকে সমস্ত গণৎকার
এসে জড়ো হলেন রাজসভায়। শেষে তারা জানালেন, হাতীর শূঁড়ে একটি বাহুর চুকে
আছে তাই হাতীটির খাবার কচি উঠে গেছে। হুতরাং বাহুরটাকে বের না করলেই নয়।
রাজা তার লোকজনদের আদেশ করলেন একট লখা লোহা আনলে পোড়া দিতে।
আনলে পুড়ে লোহা যখন টকটকে লাগ হল তখন রাজা সেই লোহা উচিরে ধরে বাহুরের
উদ্দেশ্যে বসলেন—বাহুর তুমি বেরোবে কিনা বল? শুঁড়ের ভেতরে থেকেই বাহুর উত্তর
দিল—বেরোব কোন দিক দিয়ে?

— কেন মুখ দিয়ে বের হও ।

— আমি 'বমি' নই তো ।

— মলদ্বার দিয়ে বের হও ।

— আমি 'মল' নই তো ।

— যেদিক দিয়ে ঢুকেছিলে সেদিক দিয়েই বের হও ।

হুতরাং বাহুর আর কি করে । রাজার কড়া হুকুম । বেরিয়ে আসতেই হল তাকে । পরিষদবর্গ বেষ্টিত রাজা মশায়কে দেখে বাহুর সমূহ বিপদের কথা বুঝতে পারল । ঠিক মত গুছিয়ে বলতে না পারলে পোড়ানো লাল টুকটুকে লোহা দিয়ে তাকে মেরে ফেলা হবে । দুঃ দুঃ বুকে সখাসম্ভব বিনয়ে সে রাজাকে জানাল—মহারাজ আমি আমার বাচ্চাদের নিয়ে বাসায় একটু বিশ্রাম নিচ্ছিলাম । কিন্তু শূকরটি আমার সে বিশ্রামে ব্যাঘাত ঘটাল । এমন জোড়ে সে আমার বাসায় ধাক্কা দিল যে আমার বাসা ভেঙ্গে গিয়ে বাচ্চাগুলো সব মাটিতে ছিটকে পড়ে মরে গেছে । তাই আমি নিজেকে বাঁচানোর জন্যই আপনার হাতীর শৃঙ্খলে নিরাপদ জায়গা ভেবে আশ্রয় নিয়েছি । আমাকে বাঁচান মহারাজ ।

রাজা বুঝলেন, বাহুর কোন দোষ নাই । তাই তাঁর আদেশে ধরে আনা হল শূকরকে । শূকর রাজাকে জানাল যে, সে যখন আপন মনে কচু-ছড়া খাচ্ছিল তখন সইল মাছের বিরাট লাফ দেখে সেও ঘাবড়িয়ে যায় এবং কোথায় কোন দিক দিয়ে পালাবে ঠিক করতে না পেরে যে দিকে হুঁচোখ যায় সেদিকেই দৌড়তে থাকে । তার রাস্তাতেই যে বাহুর বাসা তা তার জানা ছিল না বলেই এই অঘটন ।

তারপর ডাক পড়ল সইল মাছের । সেও জানাল যে, তার মাথায় অতর্কিতে খাইবাই ফল পড়েছিল বলেই সে দিশেহারা হয়ে বিরাট লাফ দেয় । পরে রাজার ডাকে সাড়া দিয়ে খাইবাই ফলও জানাল, তেনতিয়ার ভাক্কলের কোপেই সে জলে পড়ে গিয়েছিল ।

খোজ পড়ল তেনতিয়ার । সেও আর বলতে ছাড়ে না । নির্ধিখায় রাজাকে সে জানাল যে, কাজে বেরোবার আগে নৌকার গলুইয়ে বসে সে যখন আপন মনে ভাক্কলের ধার দিচ্ছিল তখন চিংড়িমাছ তার অণুকোষে চিমটি কাটে, তাই ভয়ে ও রাগে দিশেহারা হয়ে তাকে খাই-বাই ফলে ভাক্কলের কোপ দিতে হয় ।

সবশেষে ধরাধরি করে রাজার সামনে আনা হল চিংড়ি মাছকে । সম্ভোষজনক উত্তর দিতে না পারায় রাজা বিচারে চিংড়ি মাছকে দোষী সাব্যস্ত করলেন এবং তাকে গরম জলে ছেড়ে দেবার আদেশ দিলেন । পেয়াদারা যেই রাজার আদেশ পেল অমনি চিংড়ি মাছকে ধরে ফেলে দিল টগবগে গরম জলে । গরম জলে চিংড়ি মাছের রং লালচে বর্ণ ধরল । রাজা আদেশ দিলেন, আরো সেন্দ্ব করো ।

পেয়াদারা আরো সেন্দ্ব করতে লাগল আর চিংড়ি মাছের রং আরো লাল বর্ণ ধরলো ।

গ্রাম প্রশাসন

ত্রিপুরার অগ্রাঙ্ক উপজাতিদের মতই উচইদেরও নিজস্ব শাসন ব্যবস্থা ও বিচার ব্যবস্থা প্রচলিত আছে। এই শাসন ব্যবস্থার মাধ্যমে প্রতিটি উচই গ্রামকে পরিচালনা করার তথা সমগ্র উচই সমাজকে সৃষ্টভাবে পরিচালনা করার সুব্যবস্থা পরিলক্ষিত হয়। স্বরণাতীত কাল থেকেই বিভিন্ন স্বাত-প্রতিস্বাতের ভিতর এই শাসন ব্যবস্থা জিইয়ে রেখে উচইরা আজো এর মাধ্যমে তাদের বিভিন্ন সমস্যা, ঝগড়া বিবাদ ইত্যাদি নিজেরাই শীমাংসা করে থাকেন। খুন-খারাপির ঘটনা ব্যতীত চুরি মাগ বিবাহ বিচ্ছেদের বিষয়ও তাদের বিচার ব্যবস্থার আওতায় পড়ে। তাই তাদের সমাজের লোকজনকে তাদের বিভিন্ন সমস্যা সমাধানের জন্ত সরকারী আদালতের আশ্রয় খুব কমই নিতে হয়।

উচইদের এই প্রথাগুণ শাসন ও বিচার ব্যবস্থার সর্ব্বোচ্চে যিনি থাকেন তাঁকে 'চদিরি' বা 'চৌধুরী' বলা হয়। (চৌধুরী সম্ভবতঃ চকি দারি' শব্দের আধুনিক রূপ বলেই মনে হয়। চুঁউক বা চ-ক মানে মদ। দারি মানে ধার্য করা। চ-ক বা মদ যিনি ধার্য 'চদিরি' বা 'চৌধুরি' করেন অর্থাৎ যার চ-ক বা মদ ধার্য করার ক্ষমতা আছে তিনিই চক দারি চক-দিরি—চদিরি। অতি প্রাচীন নিয়মানুযায়ী উপজাতির অগ্রাঙ্কারীর শাস্তিস্বরূপ সাধারণতঃ 'মদ' ই ধার্য করতেন। এখানে উল্লেখ করা যায় যে, কগবরক-ভাষী উপজাতি সমাজের প্রত্যেক শাখাই সাধারণতঃ 'চদিরি' উচ্চারণ করে থাকেন। পরবর্তী সময়ে এই শব্দটিই আধুনিক 'চৌধুরী' শব্দে সর্বাধিক পরিচিতি লাভ করে।) পাড়া ফাং বা যার নেতৃত্বে পাড়া গড়ে উঠে তিনিই সাধারণতঃ চদিরি বা 'চৌধুরী' হন। তাঁর সাহায্যকারী হিসাবে একজন 'কারবারি' থাকেন। চদিরি বা চৌধুরী পদ বংশানুক্রমিক হয়ে থাকে। কোন চদিরি বা চৌধুরীর মৃত্যুর পর তাঁর ছেলে যদি অসুপযুক্ত বিবেচিত হয় তাহলে চৌধুরীর ছেলে উপযুক্ত না হওয়া পর্যন্ত 'কারবারি' ঐ পদে আসীন থাকেন। কিংবা চৌধুরীর অবর্তমানে কারবারিও যদি ঐ পদের জন্ত অক্ষম বিবেচিত হন তাহলে সমস্ত গ্রামবাসীরা সবাই মিলে উপযুক্ত লোককে চৌধুরী নির্বাচন করে থাকেন।

ঝগড়া বিবাদের বেলায় বাদী পক্ষ দু' টাকা ফিস দিয়ে চৌধুরীর কাছে বিচার প্রার্থনা করেন। চৌধুরীর মতানুযায়ী গ্রামবাসীদের কাছে নির্দিষ্ট দিনে বিচার হওয়ার খবর সাধারণতঃ বাদী পক্ষই দিয়ে থাকে। অনেক সময় চৌধুরী অল্প কাউকেও ঐ কাজের জন্ত নিয়োগ করতে পারেন।

চোর ধরার বিচারে দোষী যদি সত্যি সত্যিই প্রমাণিত হয় তাহলে তাকে ষাট টাকা জরিমানা দিতে হবেই। দোষী সাব্যস্ত লোক যদি ঐ টাকা দিতে ভালবাহানা আরম্ভ করে তাহলে পরবর্তী বিচারে তাকে ষাট টাকার সাথে আরো ত্রিশ টাকা এবং বিচার ফিস দু' টাকা সহ মোট বিরানব্বই টাকা দিতে হবে। অল্পখয় তার অস্থাবর সম্পত্তি 'ক্রোক' করার অধিকারও চদিরি বা চৌধুরীর আছে। প্রাপ্ত জরিমানার অর্ধেক বাদী পক্ষ ও বাকী অর্ধেক চৌধুরী সহ বিচারকরা (চৌধুরীর সাহায্যকারীরা) নিয়মানুযায়ী পেয়ে থাকেন। ঐ টাকা চৌধুরী বিচারকদের মধ্যে ভাগ করতেও পারেন অথবা সবাইকে একসাথে খাইয়ে আনন্দক্ষুতির ব্যবস্থাও করতে পারেন।

ছেলে ও মেয়ের অবৈধ মিলনের ক্ষেত্রে পাঁচ টাকা ও একটি শূকর জরিমানা ধার্য করা হয় এবং তাদেরকে বিবাহ বন্ধনে আবদ্ধ করানো হয়। এসব ক্ষেত্রে দোষী প্রমাণিত হওয়ার পরও ছেলে যদি সরে দাঁড়ায় অর্থাৎ মেয়েকে বিয়ে করতে গররাজী হয় তাহলে তাকে একশ বিশ টাকা জরিমানা দিতে হয়।

বিবাহ বিচ্ছেদের বেলায় বর্তমানে স্বাবর সম্পত্তিবাদে অস্বাবর সম্পত্তিগুলির সমানভাগে ভাগ করে উভয়কে দেয়া হয়ে থাকে। সেক্ষেত্রে পুরুষ বা মহিলার বেলায় দ্বিতীয় বিবাহে কোন সামাজিক বাধা থাকেনা।

যদিও উচইদের এই সামাজিক শাসন ব্যবস্থা দীর্ঘদিন ধরে চলে আসছে বলে তারা দাবী করেন তথাপি এব্যাপারে সঠিক তথ্যের অভাবে কোন সময় থেকে কিংবা কোন মহারাজার আমল থেকে তাদের এই শাসন ব্যবস্থার গোড়াপত্তন হয়েছিল তা বলা অত্যন্ত কঠিন। তবে পার্শ্ববর্তী উপজাতি গোষ্ঠীর শাসন ব্যবস্থার প্রভাব থেকে তারা মুক্ত একথা বলা যুক্তিসঙ্গত নয়।

পঞ্চম অধ্যায় ধর্মীয় আচার অনুষ্ঠান

জন্মকালীন সংস্কার ও আচার

অষ্টাশ্র উপজাতিদের মতই উচইরাও জন্মকালীন বিভিন্ন সংস্কার ও আচার অনুষ্ঠান পালন করে থাকেন। সন্তান গর্ভে থাকাকালীনই উচইদের 'তুয় চাউমি পূজা' দিতে হয়। সন্তানের মঙ্গল কামনা করে অচাই বা ওঝা কর্তৃক একটি মোরগ বলি দিয়ে জলে এই পূজা দেয়া হয়ে থাকে।

সন্তান প্রসবের সময় উচই রমনীকে আতুর ঘরে রাখা হয়। আতুর ঘরে একজন কুমারজুক বা ধাই ও একজন সাহায্যকারিনী থাকেন। ছেলে সন্তান প্রসব করলে ধাইকে পাঁচ টাকা ও সাহায্যকারিনীকে দু' টাকা এবং মেয়ে হলে ধাইকে দু' টাকা ও সাহায্যকারিনীকে এক টাকা দিতে হয়। বর্তমানে কেউ কেউ কাপড়ও দিয়ে থাকেন।

সন্তান প্রসবের অব্যবহিত পরেই প্রসূতি ও নবজাতককে গরম জলে স্নান করানো হয়। প্রসূতির কাপড়চোপড় পরিবর্তনের পর হুবিয়াহুয়ারী একটি জায়গায় আগুন জ্বালানো হয়। সাতদিন ধরে সে আগুন জ্বালানো থাকে। আগুনের ধারে একটি মাটির চাকা বসিয়ে রাখা হয়। প্রসূতির পেটের বাথা উঠলেই সেই গরম মাটির চাকার সাহায্যে স্নান দিয়ে বাথা দূর করা হয়। সাতদিন পরে নবজাতকের 'হমখাই' বা নাভি কাটা হয় এবং আতুর ঘরের আগুনসহ কাটা নাভি বাসস্থানের একটু দূরে একটি জায়গায় ফেলে দেয়া হয়। তারপরই নবজাতক সহ প্রসূতিকে ঘরে তোলা হয় এবং নবজাতকের নামাঙ্কন করা হয়। খৃষ্টধর্মাবলম্বীরাও সাতদিন পর প্রার্থনা করে প্রসূতির 'শুক্টি' করেন।

পাঁচ মাস পর শিশু যাতে ভাড়াভাড়ি দাঁড়াতে ও চলাফেরা করতে পারে সে উদ্দেশ্যে 'বাগচা পূজা' দেওয়া হয়ে থাকে। এই পূজা 'অচাই' বা 'অচাই' বা ওঝা দিয়ে থাকেন। পূজার উপকরণ হিসাবে প্রয়োজন পাঁচটি মোরগ, বৃতুক বা লাংগি একটি, আর গননাহীন আরাক বা বোতলের মদ। তখনই শিশুর গলায় 'লক বা মাহুলি' ধারণ করানো হয়ে থাকে।

এক বছর পর শিশুর সর্বপ্রকার মঙ্গল কামনায় আর একবার পূজা দেয়া হয়। পূজার উপকরণ হিসাবে একটি শূকর' তিনটি মোরগ' একটি বৃতুক বা লাংগি আর গননাহীন 'আরাক' বা বোতলের মদ ব্যবহৃত হয়। আজকাল এই পূজার প্রচলন প্রায় উঠে গেছে বললেই চলে। বলা বাহুল্য, অর্থনৈতিক ও পারিপার্শ্বিক পরিবেশের সংস্পর্শেই তাদের অনেক পূজা পাবনের মত এই পূজার প্রচলনও কমে গেছে। তবে এখনও কোন কোন জায়গায় অবস্থাপন্ন গৃহস্থরা সন্তানের মঙ্গল কামনার্থে এই পূজা দিয়ে থাকেন।

উচইদের বিয়ে

উচই সামাজিক প্রথাগতভাবে কোন পাত্রের জন্য কোন পাত্রীর অভিভাবকের কাছে বিয়ের প্রস্তাব পাঠাতে হলে পাত্রপক্ষকে এক বোতল মদ ও নগদ এক টাকা পাঠাতে হয়। 'রাঘবা'

বা ঘটকের আলাপ যদি মোটামুট আশাযুক্ত হয় তাহলেই পাত্রের বাবা মা বা অভিভাবকরা
বিয়ের প্রস্তাব পাত্রীর বাবা মা বা অভিভাবকের সাথে আলাপে বলেন। নিয়মালুপারে
ও পাত্রীর বাবা মা'র জন্য দু'বোতল মদ এবং পাত্রীর বত ভাই আছে তত
মঙ্গলাচরণ বোতল মদ ও তত সংখক যোগ পাত্র পক্ষকে দিতে হয়। 'কউ স্থংবি'
 বা মঙ্গলাচরণ পর্ব এভাবেই শেষ হয়। তবে আজকাল অনেক জায়গাতেই সেই সমস্ত নিয়মের
 কিছুটা পরিবর্তন দেখা গেছে। চা, পান স্থপারী এবং সামান্য মদের দ্বারা আজকাল
 মঙ্গলাচরণের কাজ সমাধা হয়ে থাকে। বিয়ের দিন তারিখ ঠিক করা এখনও চলে। অথবা
 অন্য যে কোন দিন স্থবিধাযুক্ত দিন তারিখ ঠিক করা হয়। ঐ সময়েও পাত্রপক্ষ পাত্রী
 পক্ষকে দু' বোতল মদ ও দু' টি 'বৃতুক' বা লাংগি দিয়ে থাকেন।

বিয়ের নির্দিষ্ট দিনে পাত্রকেই পাত্রীর ঘরে যেতে হয়। যাত্রা পর্ব সাধারণতঃ গোথুলি
 লগ্নেই হয়ে থাকে। বরযাত্রী হিসাবে যারা যান, তারা প্রত্যেকই যুবক, যুবতী ও সস্ত্রীক থাকেন।
 কোন বিপত্তীক বা বিধবাকে বরযাত্রী হিসাবে নেয়া হয় না। বরযাত্রীর নেতৃত্বে যিনি থাকেন,
বিবাহ অর্হুষ্ঠান তাকে 'ঐত্রাংউংধুমা' বলা হয়। বরযাত্রীরা বাজনা, 'কুম্ভমু' বা বাঁশের
 বাঁশী বাজিয়ে অথবা গান গেয়ে তাদের চলার পথ উল্লাসপূর্ণ রাখেন।
 ঘরের পরনে থাকে নতুন কাঁসা, গায়ে নতুন 'খুঁতাই তাকবরক' বা জামা। মাথায় কাঁপায়
 বিরাট পাগড়ী আর কাঁধে থাকে 'দাম্বিং, বা রামদা। বরযাত্রীরা কনের বাড়ীতে পৌঁছার পর
 উঠানে দাঁড়িয়ে গান গাইতে থাকেন। অপর দিকে কনের পক্ষ থেকেও বরযাত্রীদের সতর্কনা
 জানিয়ে গান গাওয়া হয়। এইভাবে কিছুক্ষণ গান চলার পর বরযাত্রীরা দরজার গোড়ায় বসিয়ে
 রাখা জলপূর্ণ কলস নমস্কার করে ঘরের ভেতর ঢুকেন।

বরযাত্রীরা বাড়ী থেকেই দু'টি 'উাংস্থইখক, (২১০ ইঞ্চির মত বাঁশের চোত্র, যার
 নীচের দিকে কোন জায়গায় গুজে রাখার সুবিধার জন্য) সামান্য কিছু অংশ লম্বা করে রাখা হয়।)
 বানিয়ে নিয়ে যান। দু'টি উাংস্থইখক এর ভেতরেই থাকে আট বা দশ ছোড়া পাতলা বেত।
 বরযাত্রীরা যে দরজা দিয়ে কনের বাড়ীতে ঢুকেন সেই দরজার বাম বা ডান দিকে একটি এবং
 অপর দরজার বাম বা ডান দিকে আরেকটি 'উাংস্থইখক' গুজে রাখেন। যে দরজা
 দিয়ে বরযাত্রীরা ঘরে ঢুকেন সাধারণতঃ সেই দরজার ধারে কাছেই তাঁদের বসার
 জায়গা হয় এবং সেদিক 'খংগাকাতীয়' নামে আর কনের দল যেদিকে বসে সেদিকটা
 'খংগাকারী' নামে চিহ্নিত হয়।

কনে তার দলবল নিয়ে অল্প ঘরে গুয়ে থাকেন। যথা সময়ে কনের বৌদি ও কুম্ভইরা
 (জামাইবাবুরা) মিলে 'হমচাং' বা মশাল নিয়ে কনেকে ধরাধরি করে ঘরে আনেন এখানে
 উল্লেখ্য যে, কনেকে ধরতে যাওয়ার সময় বৌদি ও কুম্ভইরা যদি সঙ্গে মশাল না নেন তাহলে
 জরিমানা স্বরূপ তাদের এক বোতল মদ, একটি লাংগি ও একটি শূকর অথবা বিনিময়ে কনের
 টাকা দিতে হয়।

ঘরের মাঝখানে আগে থেকেই একটি 'চাতাই' বা পাতি বিছানো থাকে। বৌদি ও কুমুইরা মিলে ধরাধরি করে ঐ বিছানো পাতিতে বরকনেকে একত্রে শুইয়ে দেন। 'রিকীথার' বা অব্যবহৃত পাছড়া দিয়ে বরকনেকে ঢেকে দিয়ে কাপড়ের চার কোনায় চারজন পা দিয়ে কাপড় চেপে রাখেন। একে একে উপস্থিত সকলেই জিজ্ঞেস করেন তাদের কি হয়েছে? তারা কেন একত্রে শুয়ে রয়েছে?

তখন উপস্থিতদের মধ্যে থেকেই উত্তর আসে—তাদের মধ্যে বিয়ে হয়েছে তাই তারা একসাথে শুয়ে রয়েছে। সঙ্গে সঙ্গেই প্রায় সবাই হাততালি দিয়ে সম্বরে চিৎকার করে উঠেন। "লাচিয়া" "লাচিয়া" (নিল জ্জ নিল জ্জ) বলে।

এরপর 'আদ্রাঁউংথু মা' বরকনের মাথায় জলের ছিটে দিয়ে আশীর্বাদ করলে বাপ-মা আত্মীয়স্বজন ও পাড়াপাশী প্রত্যেকেই তদনুরূপ জলের ছিটে দিয়ে নবদম্পতির সুখী ভবিষ্যৎ কামনা করে আশীর্বাদ দিতে শুরু করেন।

এইরূপ আনন্দঘন পরিবেশে বিয়ের কাজ চলাকালীন সময় থেকেই চলে মদ্যপান। নিয়মালুসারে দুটি লাংগিই বিয়েতে দেয়া হলেও 'আরাক' বা বোতল থাকে গণনাহীন। তাই মদ্যপানের সাথে সাথে চলে নাচগান হাঙ্গামা সহ বিভিন্নভাবে আনন্দের বহিঃপ্রকাশ।

বিয়ের দিন থেকেই নবদম্পতিদের সহবাস উচই সমাজে স্বীকৃত। পরের দিন খুব ভোরে স্নান কারোর জাগার আগেই নবদম্পতিকে কুয়া থেকে দু'কলস জল ভরে আনতে হয়। ঋগুর ঋগুরী ঘুম থেকে উঠার পর বর দুটি ঘটিতে ঐ কলস দুটির জল ঋগুর ঋগুরীর হাতে তুলে দেন। তারপর 'থংগাকারার' দিকে গুজে রাখা 'উংসুইখক' থেকে একটি বেত এনে ঋগুরের হাতে এবং 'থংগাকাতীয়' এর দিকে গুজে রাখা 'উংসুইখক' থেকে একটি বেত এনে ঋগুরীর হাতে দেন। ঋগুর ঋগুরী মুখ ধোয়ার পর ঐ বেত দিয়ে জিহ্বা পরিস্কার করেন। কেউ কেউ এক সপ্তাহ বা কেউ কেউ পনের দিন এই নিয়ম পালন করে থাকেন।

বিয়ের দিন থেকেই বরকে ঋগুর বাড়ীতে থেকে যেতে হয় এবং চার বছর পূর্ণ না হওয়া পর্যন্ত তাঁকে ঋগুর বাড়ীতেই থাকতে হবে। এ প্রথা 'চামারি' (জামাই) নামে প্রসিদ্ধ। এখানে বিশেষভাবে উল্লেখ করা যায় যে, চার বছরের বেশী একদিনও (বিবাহের দিন থেকে ধরে) চামারি বা জামাইকে ঘরে রাখার নিয়ম নেই। অগ্রথায় খাওয়া পরার দ্বিগুণ খরচ ঋগুর মহাশয়কে বহন করতে হয়।

উচইরা সাধারণতঃ নিজেদের গোষ্ঠীর মধ্যে বিবাহ সম্পর্ক রাখলেও অনেক ক্ষেত্রে অন্যান্য উপ-গোষ্ঠীর সঙ্গেও বিবাহ সম্পর্ক রেখে থাকেন। সেক্ষেত্রে যদি কোন উচই ছেলে বা মেয়ে অগ্র যে কোন সমাজের নিয়মালুসারে বিবাহ ক্রিয়া সম্পন্ন করে থাকেন তাহলে তাঁকে আর উচই

সমাজস্ৰীতি পালন করতে হয় না। নিষিদ্ধায় উচইরা সেই বিবাহ বৈধ বলে মেনে নেন।
অন্ত্যায় সামাজিক বিচারের ব্যবস্থা হয়।

নিচে কয়েকজন ভিন্ন সম্প্রদায়ের সঙ্গে বৈবাহিক সম্পর্ক রক্ষাকারীদের নামের তালিকা দেয়া হল।

নাম	পাড়া	স্ত্রী বা স্বামীর নাম	সম্প্রদায়
শ্রীকাশীরাম উচই	উত্তর একছড়ি	মনীকা নাগাড়ু	পূর্বাঙ্গ বংশধর
শ্রীঅশ্র উচই	রাঙ্গাছড়া	রমা রিয়াং	রিয়াং
শ্রীমেন্তহা উচই	পশ্চিম ডেপাছড়া	মালবতী রিয়াং	রিয়াং
শ্রীফিলিপ উচই	ঐ	রমা চিসিম	গারু
শ্রীজগৎ উচই	রাঙ্গাছড়া	বর্ণা দেববর্মা	ত্রিপুরী
শ্রীঅমকুমা উচই	একছড়ি	স্বর্গলক্ষী দেববর্মা	ত্রিপুরী
শ্রীঠাণ্ডা ক্রাসিন উচই	ডেপাছড়া	মনিকা মগ	মগ
শ্রীভুগুরাম উচই	ঐ	—	রিয়াং
শ্রীসধরাম উচই	একছড়ি	—	মগ
শ্রীপ্রাসিড উচই	ঐ	—	ত্রিপুরী
শ্রীঅতিরাম উচই	পশ্চিম ডেপাছড়া	—	ত্রিপুরী
শ্রীমতী রাজিকন্ড উচই	রতনপুর ১	—	ত্রিপুরী
শ্রীমতী কাথারিনা (সোমা) উচই	পশ্চিম ডেপাছড়া	মিছিল মলছম	হালাম
শ্রীমতী ভিক্টোরিয়া উচই	ঐ	ধনঞ্জয় দেববর্মা	ত্রিপুরী
শ্রীমতী কন্যাতি উচই	ঐ	ধনচন্দ্র দেববর্মা	ঐ

আধুনিক শিক্ষিত ছেলেরা অনেকেই 'চামারি' বা জামাই থাকার প্রথাকে বেশী পছন্দ করেন না। এমনকি 'চামারি' শব্দটিও তুলে দিয়ে তারা ঐ শব্দের পরিপূরক হিসাবে 'সেবারি' শব্দ প্রবর্তনের চেষ্টায় আছেন। সে যা হোক, আজকাল 'চামারি'র পরিবর্তে অনেক ক্ষেত্রে পণ প্রথার প্রচলনও দেখা যায়।

পণের পরিমাণ ষাট টাকা হলেও অনেক ক্ষেত্রে একশ বিশ টাকা দেওয়া হয়ে থাকে। খুঁটান উচইরা চা, পান ইত্যাদির মাধ্যমে প্রস্তাব ও মঞ্জলাচরণের কাজ সমাধা করে থাকেন। তাদের বিবাহখুঁটান গীর্জাতেই হয়ে থাকে। বলা বাহুল্য, ফাদাব-এর মাধ্যমেই এই বিবাহকার্য সমাধা হয়। যৌতুক হিসাবে শাট, প্যাট ইত্যাদি দেয়ার প্রচলনও খুঁটানদের মধ্যে দেখা যায়।

উচইদের মধ্যে বিবাহ বিচ্ছেদের ঘটনাও কিছু কিছু নজরে পড়ে। সামাজিক স্ৰাচারে

যদি সত্যিই তাদের বিচ্ছেদ বৈধ বলে গণ্য হয় তাহলে সমাজ তা মেনে নেয় এবং বিবাহ বিচ্ছেদ পুরুষ ও মহিলা উভয়েই দ্বিতীয়বার বিবাহ করার সুযোগ পায়। বিবাহ বিচ্ছেদে এক পক্ষ গররাঙ্গী থাকলে সামাজিক বিচারে বাদীপক্ষকে জরিমানা দিতে হয় এবং শেষ পর্যন্ত তাদের বিচ্ছেদ বৈধ বলে গণ্য হয়। স্বামী স্ত্রী সন্তান সন্ততির মালিক হলে বিচ্ছেদের বেলায় উভয়ের মধ্যে সন্তান ভাগ হয়। স্বাবর সম্পত্তি বাদে অস্বাবর সম্পত্তির ভাগ বাটোৱাও বিচ্ছেদের বেলায় হয়ে থাকে।

দেব-দেবী ও পূজা-পার্বন

ত্রিপুরার ত্রিপুরী, বিয়াং, জমাতিয়া, কলই, নোরাতিয়া ইত্যাদি উপজাতিদের সঙ্গে উচইদের দেব-দেবীর প্রতি বিশ্বাস ও বিভিন্ন পূজা পার্বনে প্রায়ই সাদৃশ্য লক্ষ্য করা যায়।

নীচে উচইদের বিভিন্ন দেব-দেবীর প্রতি বিশ্বাস ও প্রচলিত পূজা পার্বনের সংক্ষিপ্ত আলোচনা করা হল।

রনতক পূজা : জুমের ধান কাটা শেষ হলে 'মায় কাতাল' বা নবান্নোৎসবের সময় এই পূজা দেয়া হয়ে থাকে। ছুটি বড় ঘট বা পাতিল ভাগ করে ধূমে মুছে পিঠালি দিয়ে চিহ্নিত করা হয়। আর হাতে কাটা জুমের মৃত্তা দিয়ে তুলার মালা তৈরী করে রনতক বা পাতিল ছুটির গলায় ঝুগিয়ে দেয়া হয়। নতুন আঙপু চাল দিয়ে ঘট বা পাতিল দুটিকে পূর্ণ করে উপরে সরিষা দিয়ে ঢাকা হয়। এই পূজা মালিমা বা ধাত্ত অধিষ্ঠাত্রী দেবী নামে পরিচিত। ঘট বা পাতিল পরিপূর্ণ চালের মতই গৃহস্থের ঘর যাতে শস্যপূর্ণ থাকে এই বিশ্বাসের বশবর্তী হয়েই তারা এই পূজা দিয়ে থাকেন। নববর্ষ ও লক্ষী পূর্ণিমার দিনগুলিতেও তাঁরা রনতক পূজা দিয়ে থাকেন।

কের পূজা : বছরে একবার চদিরি বা চৌধুরীর বাড়ীতে কের পূজা অবশ্যই করতে হয়। এই পূজা রাজ্যের অন্ততম বৃহৎ পরিচিত পূজা। রাজা তথা রাজ্যের সমস্ত প্রজাদের মঙ্গল কামনায় রাজ্যের কের পূজা সাদৃশ্য হবার পর প্রজারা খাণ্ড উৎপাদনের মত কঠিন পরিশ্রমের কাজ শেষ হলে সাধারণত অগ্রহায়ন মাসে এই পূজা দিয়ে থাকেন। গ্রামের তথা গ্রামবাসীদের মঙ্গলার্থে সমস্ত গ্রামবাসীদের চাঁদায় এই পূজার ব্যয় নির্বাহ করা হয়। পূজার দিন গ্রামের সব লোক চৌধুরীর বাড়ীতে জড়ো হয়। আনন্দপূর্ণ পরিবেশে একত্রে পানাহারের মাধ্যমে দিনটি অতিবাহিত হয়। পূজার শুরু পর থেকে শেষ না হওয়া পর্যন্ত গ্রামের বাইরে কাকেও যেতে দেয়া হয় না এবং বাইরে থেকেও কাউকে গ্রামে প্রবেশ করতে দেয়া হয় না। এ নিয়মের ব্যতিক্রম ঘটলে যে কোন ব্যক্তিকে শাস্তিরূপে কিছু জরিমানা দিতে হয়। আগে কের পূজার নিয়ম ভঙ্গকারীকে দ্বিতীয়বার পুনরাহুষ্ঠানের সমস্ত ব্যয়ভার বহন করতে হত। বর্তমানে বাস্তব অবস্থার সন্মুখীন হয়ে এই পূজার কঠোর নিয়মবিধিও বহুলাংশে লোপ পেতে শুরু করেছে।

তুরমা বা গঙ্গা পূজা : জগদেবতার উদ্দেশ্যে পারিবারিক মঙ্গল কামনায় তুরমা বা গঙ্গা পূজা দেয়া হয়ে থাকে। কোন নদী বা ছড়ার কিনারায় বাশের মন্দির তৈরী করে এই পূজা দেয়া হয়। এই পূজা আগে মহিষ, শূকর, পাঠা বলির মধ্য দিয়ে খুব আড়ম্বরপূর্ণ অহুষ্ঠানের মাধ্যমে সমাধা হলেও বর্তমানে চাল, কলা, বাতাসা ইত্যাদি দিয়েই এই পূজা দেয়া হয়ে থাকে।

নকসু মতাই : পরিবারিক মঙ্গল কামনায় নকসু মতাই বা গৃহকোনের পূজা তারা কেউ কেউ দিয়ে থাকেন। নকসুকে তারা সাপের দেবী বলে বিশ্বাস করেন। এই পূজা দেয়ার ফলে সাপের কামড় থেকে রক্ষা পাওয়া যায় বলেও তাঁদের বিশ্বাস। এছাড়াও বদহজম, প্রীহা ইত্যাদি রোগ নিরাময়ের জন্য তারা নকসু মতাই-এর পূজা দিয়ে থাকেন।

এখানে উল্লেখ থাকে যে, ত্রিপুরী রিষাংদের মতই উচইদেরও কোন দেবদেবীর প্রতিকৃতি নেই। অনেক পূজাই তারা বাঁশের তৈরী দেবদেবীর প্রতিক সামনে রেখে সমাধা করেন। এই প্রতীক 'লাঙ্গ্রাওয়াথপ' নামে প্রসিদ্ধ।

হিন্দুদের সংস্পর্শে এসে উচইরা কৃষ্ণজন্মাষ্টমী, লক্ষ্মীপূজা, দুর্গাপূজা সরস্বতী পূজা দোল পুদিয়া, রথযাত্রা প্রভৃতি উৎসবগুলিও উৎসাহের সঙ্গে পালন করেন। বৌদ্ধ ও খৃষ্টধর্মাবলম্বী উচইরা স্ব স্ব ধর্মের নিয়মাহুযায়ী অবশ্য পালনীয় উৎসবগুলি পালন করে থাকেন।

রোগ নিরাময়

বিভিন্ন অসুস্থ বিন্ধুখের সময় উচই সমাজের 'হকচাই' বা ওঝা বড়ুক্ বারফুক ও পূজা দেয়ার প্রথাই বিশ্বাসী হলেও আধুনিক সভ্যতার সংস্পর্শে এসে তাঁরা অধিকাংশই ডাক্তারদের পরামর্শে রোগ নিরাময়ের ব্যবস্থা করছেন। কিন্তু তথাকথিত অঞ্চলগুলিতে শিক্ষিত ডাক্তার ও চিকিৎসালয়ের অভাব থাকায় অল্প শিক্ষিত 'হাতুরে' ডাক্তারদের উঁচুদরের (হাই রেইটের) অথচ নিফল চিকিৎসা অনেক সময় তাঁদের অধুনিক চিকিৎসার প্রতি বিশ্বাস হারিয়ে দেয়। সেইসব ক্ষেত্রে গ্রাম্য ওঝারাই আবার আসন গেড়ে বসে। অনেক সময় তারা পাহাড়ী লতাপাতার দ্বারা ঔষধ তৈরী করার পদ্ধতি শিখে 'কবিরাজ' বনে যায়। অনেক ক্ষেত্রে আধুনিক চিকিৎসার সঙ্গে সরব প্রতিযোগিতায়ও তারা মেতে উঠে। আধুনিক সূচিকিৎসার মহরগতিভাই তাঁদের তদ্রূপ আচরণ বাড়িয়ে দেয়ার জন্য অত্যন্ত দায়ী। শুধু উচই পন্নীতেই নয়, ত্রিপুরার বিভিন্ন পাহাড় অঞ্চলগুলিতেও ঐ একই চিত্র লক্ষ্যণীয়ভাবে বর্তমান।

মৃত্যুকালীন সংস্কার

অস্ত্রাস্ত্র উপজাতিদের মতই উচইরাও জন্মান্তরবাদে বিশ্বাসী। ইহকালে ভাল কাজ করলে পরকালেও এর সুফল ভোগ করা যায়—এই বিশ্বাস থেকেই জগতের যাবতীয় গহিত কাজ থেকে তাঁরা যথাসম্ভব দূরে থাকতে চেষ্টা করেন।

মৃত ব্যক্তিকে উচইরা সাধারণতঃ দাহ করে থাকেন। মৃত শিশুর বেলায় বাবামার মত্যাঙ্গসারে দাহ কিংবা কবরস্থ করা হয়ে থাকে।

মৃত ব্যক্তিকে বাইরেরে উঠানে স্নান করিয়ে নতুন কাপড় চোপড় পরিয়ে আবার ঘরের ভেতরে নিয়ে যাওয়া হয়। সেখানে একটি জামগায় শুইয়ে রাখা হয়। আত্মীয়স্বজন ও পাড়াপড়শীরা মিলে মৃত ব্যক্তিকে ঘিরে চারিদিকে সবাই বসেন। সারা রাত ধরে মৃত ব্যক্তির পাশে বসে সময়ে সময়ে কান্নাকাটি ও গানবাজনা করা হয়। কেউ কেউ

রামায়ণ, মহাভারত পাঠ করেন আর খৃষ্টান যারা তাঁরা বাইবেল পড়ে মৃত ব্যক্তিকে পাহাড়া দেন। এভাবে মৃত ব্যক্তিকে সারারাত পাহাড়া দেয়ার পেছনে দু'টি কারণ বিরাজমান। প্রথমতঃ যিনি মৃত তিনি চিরদিনের মত আত্মীয়স্বজন ও গ্রামবাসীদের ছেড়ে চলে যাচ্ছেন তাই অন্ততঃ শেষবারের মত একরাত তার মুখ দেখা ও তাকে সঙ্গ দেয়া। দ্বিতীয়তঃ, দূরের আত্মীয়স্বজনেরা এসে যাতে অন্ততঃ মৃতব্যক্তির মুখ শেষবারের মত দেখে মনের আপশোষ যেটান।

পরদিন ভোরে বাঁশ ও বেতের সাহায্যে 'তলাই' বানিয়ে মৃত ব্যক্তিকে ঋশানের উদ্দেশ্যে নিয়ে যাওয়া হয়। আত্মীয় স্বজন ও গ্রামবাসীরা মৃতব্যক্তির নামে সাধ্যহুয়ারী খুচরো পয়সা দিয়ে থাকেন। নারীপুরুষ নির্বিশেষে যখন শবাহুগমন করেন, তখন ঐ খুচরো পয়সাগুলি সারা পথ ধরে ছিটিয়ে দেয়া হয়।

ঋশানভূমিতে দাহ করবার নির্দিষ্ট জায়গায় মৃতব্যক্তিকে শুইয়ে তাঁর চারদিকে আত্মীয় স্বজন সাতবার প্রদক্ষিণ করেন। মৃত পুরুষের বেলায় পাঁচস্তরে লাকড়ি সাজানো হয় এবং মৃত মহিলার বেলায় সাত স্তরে লাকড়ি সাজানো হয়ে থাকে। এইভাবে বিভিন্ন স্তরে লাকড়ি সাজিয়ে আগুন লাগানোর পর থেকে সম্পূর্ণ দাহ না হওয়া পর্যন্ত অধিকাংশ পুরুষই ঋশানভূমিতে থাকেন।

মৃত ব্যক্তির দূরবর্তী স্থান থেকে যে সমস্ত আত্মীয় স্বজনরা আসেন তাঁদের খাওয়ানোর ভার সাধারণতঃ গ্রামবাসীরাই বহন করে থাকেন। সমস্ত আত্মীয় স্বজনরাই কেউ তিন দিন বা পাঁচদিন নিরামিষ খেয়ে মৃতব্যক্তির উদ্দেশ্যে শোক প্রকাশ করে থাকেন। শ্রাদ্ধাদির কাজে তেমন কোন বাঁধাধরা নিয়ম নেই। অসচ্ছল গৃহস্থরা যখন ঘরে ধান উঠে তখনই সুবিধা বুঝে শ্রাদ্ধ করে থাকেন। সচ্ছল গৃহস্থরাও অনেক সময় সে নিয়ম পালন করেন।

খৃষ্টান উচইরা তাঁদের নিয়মাহুয়ারী প্রার্থনা করে মৃত ব্যক্তিকে কবর দেন।

৬ষ্ঠ অধ্যায়

উপসংহার

সমাজ-সংস্কৃতি গতিশীল। জলের স্রোত ধারার ন্যায় অবিরাম গতিতে সামনের দিকে বয়ে যাওয়াই তার ধর্ম। বিভিন্ন ঘাট-প্রতিঘাতে চলার পথে কারো সঙ্গে মিলনের পরও জলের স্রোতধারার অভীষ্ট লক্ষ্য যেমন মহামিলনের ক্ষেত্র সাগর, তদ্রূপ ভিন্ন জাতিগোষ্ঠীর সংস্কৃতিও তার আপনগতিতে নীরবে এগিয়ে চলছে সংস্কৃতির মহামিলন ক্ষেত্রের দিকে।

পূর্ববর্তী অধ্যায়গুলিতে আলোচিত উচ্চদের বিভিন্ন সংস্কার, সামাজিক রীতিনীতি ও জীবনধারার বিভিন্ন দিকও বর্তমানে অন্যান্য জাতি-গোষ্ঠীর সান্নিধ্যে এসে প্রতিনিয়তই পরিবর্তিত হচ্ছে। দীর্ঘদিন ধরে ত্রিপুরা, জম্মাতিয়া, কুকি প্রভৃতি বিভিন্ন উপজাতি গোষ্ঠীর পাশাপাশি বসবাসের ফলে পরস্পরের মধ্যে সংস্কৃতির আদান প্রদান যেমন হয়েছে তেমনি বৃহত্তর সমতল জনগোষ্ঠীর সংস্কৃতির প্রভাবও তাদের জীবনশ্রোতকে প্রভাবিত করছে। এছাড়াও শহর, সিনেমাসহ অন্যান্য সংস্কৃতির প্রভাব, সরকারী উন্নয়ন প্রকল্প ইত্যাদি উচ্চদের জীবনযাত্রা পরিবর্তনে যথেষ্ট সাহায্য করেছে। এই পরিবর্তিত বিষয়গুলিকে মূলত: তিন শ্রেণীতে ভাগ করা যায়। যথা—(ক) অর্থনৈতিক (খ) সামাজিক ও (গ) রাজনৈতিক।

অন্যান্য উপজাতিদের মতই উচ্চদের অর্থনীতি কৃষি নির্ভর। প্রাচীনকালে আদিম প্রথার জুমচাষই ছিল তাঁদের একমাত্র প্রধান উপজীবিকা। স্থান পরিবর্তনশীল এই প্রথায় এক

পাহাড়ে জুমচাষ শেষ হলে বৎসরান্তে আবার অল্প পাহাড়ে চাষের সঙ্গে (ক) অর্থনৈতিক সঙ্গে চলত বাসাবদলও। বর্তমানে উচ্চেরা সে অভ্যাস ছেড়ে দিয়ে স্থায়ী চাষ ও স্থায়ী বসবাসের দিকে সম্পূর্ণরূপে ঝুঁকি পড়েছেন বললেও অতীতে হয় না। বসাবাহালা, তাঁদের এ অভ্যাসও শিক্ষা সমতলবাসীদের কাছ থেকে প্রাপ্ত। বিভিন্ন

উচ্চ গ্রামগুলিতে দেখা যায়, অনেকেই জুমচাষ সম্পূর্ণরূপে ছেড়ে দিয়ে কৃষি বৈজ্ঞানিক পদ্ধতিতে সমতল কৃষিকাজে মনোনিবেশ করেছেন। আবার কেউ কেউ উন্নয়ন কৃষিকাজই করে চলেছেন। যাদের সমতল জায়গা নেই কিংবা এক সময় জায়গা অর্জনের পরও হাতছাড়া হয়ে পড়েছেন তাঁরা অনেকেই প্রাচীন প্রথার জুমজীবন আঁকড়ে আছেন কিংবা বাধ্য হচ্ছেন।

কৃষ্টির শিল্প জীবনেও তাঁদের পরিবর্তন লক্ষ্যণীয়। বিশেষ করে বাঁশ ও বেতের জিনিষ তৈরী করার অভ্যাস প্রায় উঠে গেছে বললেও অতীতে হয় না। বয়স্কদের মধ্যে অনেকে সে

কাজ জানলেও আধুনিকদের মধ্যে অধিকাংশ বাঁশ-বেতের সম্পূর্ণ বাঁশ-বেতশিল্প কাজ জানেন না। ট্রাক, সিন্দুক, আলমারী ইত্যাদি জিনিষকেই বর্ত-

মানে অনেক মূল্যবান জিনিষ পত্র রাখার বিকল্প হিসেবে গ্রহণ করছেন। তাই অনেকের ঘরেই বাঁশ-বেতের সেই জাপা, বখক ইত্যাদি নেই। আবার জিনিষ-

পূজা বহনের জন্য আধুনিকতার সঙ্গে তাল মিলিয়ে অনেকটাই বাগ, স্যুটকেশ ইত্যাদি ব্যবহার করছেন।

বয়স শিল্পেও তাঁদের যথেষ্ট পরিবর্তন ঘটেছে। জুম চাষের পরিমি কমে যাওয়ার সাথে সাথে স্বাভাবিকভাবে কাপাস উৎপাদনও কমে গেছে এবং নিজস্ব কাষদায় সূতা তৈরী করে কাপড় বোনার প্রথাও প্রায় উঠে গেছে। বাজার থেকে বয়স শিল্প রং বেরং এর সূতা কিনেই তাঁরা এখন সে অভাব পূরণ করেছেন। আবার অধিকাংশই বাজারের প্যাণ্ট, শার্ট, শাড়ী, ব্লাউজ ও অন্যান্য প্রয়োজনীয় কাপড় যোগার করছেন বলে উচই পরিবারের বয়স শিল্প প্রায় লুপ্ত হয়ে যাচ্ছে। বর্তমানে সরকার থেকে বিভিন্নভাবে সূতা দিয়ে তাদের সেই বয়সশিল্পকে আবার জাগিয়ে তুলবার প্রচেষ্টা গ্রহণও নিঃসন্দেহে উল্লেখযোগ্য।

উচইদের মধ্যে মৎস্য চাষের প্রবণতাও লক্ষ্য করা গেছে। ব্যক্তিগত উদ্যোগে কিংবা সরকারী সাহায্য নিয়ে অনেকেই মৎস্য চাষে মনোনিবেশ করছেন এক কথায় মৎস্যচাষ আধুনিক শিক্ষার ছোঁয়ায় তাঁদের অর্থনীতিকে তারা সম্পূর্ণরূপে আধুনিক পদ্ধতিতে এগিয়ে নিয়ে যাবার পথ বেছে নিয়েছেন।

উচইদের কৃষিকাজের পদ্ধতি পরিবর্তনের সঙ্গে সঙ্গে পশুপালনের ক্ষেত্রে গরু, মহিষ পালনও উল্লেখযোগ্য সংযোজন। বর্তমানে প্রায় উচই পরিবারেই হাস, মুরগী, শূকরাদির পাশাপাশি গরু, মহিষ পালনও দেখা যায়। নিজস্ব উৎপাদিত জব্যাদি বিক্রয় করে অর্থ বিনিময়ের মাধ্যম ছাড়া প্রত্যক্ষ ব্যবসা বাণিজ্যের ক্ষেত্রে উচইরা খুব বিরল। দক্ষিণ ত্রিপুরাবাসী কোন উচইকেই প্রত্যক্ষ ব্যবসা বাণিজ্যে অংশ গ্রহণে দেখা যায় না।

কৃষি পদ্ধতি পরিবর্তনের সঙ্গে সঙ্গে উচইদের সামাজিক রীতিনীতির পরিবর্তনও স্বাভাবিক ভাবে ঘটেছে। তাঁদের দেবদেবীর প্রতি সাধারণ বিশ্বাস থেকে পূজা-পার্কিন, আভাস্তরীন গ্রাম প্রশাসন ইত্যাদি সমস্ত ক্ষেত্রেই পরিবর্তন বিশেষভাবে লক্ষ্যণীয়। উচইরা রাজ্যের অন্যান্য উপজাতিদের তুলনায় লক্ষ্যণীয়ভাবে সংখ্যায় কম হলেও আক্ষর্যজনকভাবে বিভিন্ন ধর্মাবলম্বী। এই ভিন্ন ধর্মাবলম্বী উচইদের সামাজিক রীতিনীতি তাই ধর্মবিশেষে পার্থক্য লক্ষ্যণীয়।

উচইদের মধ্যে হিন্দু, বৌদ্ধ ও খৃষ্টান—এই তিন প্রধান ধর্মাবলম্বী লোকদের দেখা যায়। হিন্দু ধর্মাবলম্বীদের মধ্যে অনেক বৈষ্ণব আছেন। দক্ষিণ ত্রিপুরার বিলোনীয়া মহকুমার রতনপুর, মহরীপুর ও চরকবাই অঞ্চলে তাঁদের সংখ্যা তুলনামূলকভাবে একটু বেশী। বৌদ্ধ ধর্মাবলম্বীরাও ঐ অঞ্চলেই বেশীর ভাগ আছেন। বৌদ্ধ ধর্মমতে প্রথা-বর্ধ ও সামাজিক রীতিনীতির পরিবর্তন প্রয়োজন নয় বিধায় হিন্দু ও সংস্কার বিত্তির সংস্কার পালন করে থাকেন। খৃষ্ট ধর্মাবলম্বীরা তাঁদের নিয়মাদুসারে সামাজিক বিভিন্ন সংস্কার পালন করেন। রোমান ক্যাথলিক ও ব্যাপ্তাইজ এই দু'শ্রেণীর খৃষ্টানই

উচইদের মধ্যে দেখা যায়। দক্ষিণ ত্রিপুরা জেলার অমরপুর মহকুমার সঘরায় উচই পাড়া, কেয়ই উচই পাড়া, পশ্চিম ডেপাছড়া, শান্তিনগর, রাঙ্গাছড়া, ইত্যাদি পাড়ায় তাঁরা অধিক সংখ্যায় বাস করেন।

ভিন্ন রাজনৈতিক মতাদর্শ ও ধর্মীয় ভাবধারার উর্ধ্বে থেকে উচইদের সামাজিক, অর্থনৈতিক ও সাংস্কৃতিক উন্নয়ন লক্ষ্যে সম্প্রতি 'ত্রিপুরা উচই জাতিনি আতাংবাং' (ত্রিপুরা উচই জাতীয় সংস্থা বা সংঘলন) নামে একটি সংস্থা গঠিত হয়েছে। জমাতিয়া হদার অনুকরণে গঠিত এই সংস্থার ছাত্র ছাত্রীসমূহ উচই জাতিকে ঐক্যবদ্ধ করার প্রচেষ্টা 'ত্রিপুরা উচই জাতিনি লক্ষ্য করা যায়। আগরতলা বৃহৎ মন্দিরের ভিক্ট্রী অক্ষয়ানন্দ জাতাইবাং ভাস্তের (উচই) উদ্যোগে গত ১৯৭২ইং সনে এই সংস্থা গঠিত হলেও

সামাজিক সংস্থার মূলক কোন কাজে এই সংস্থা উল্লেখযোগ্য ভূমিকা নিতে পারেনি। পরবর্তী সময়ে শ্রী ফিলিপ উইচ ও শ্রী ঠাণ্ডা ক্রান্দিস উইচ এর যৌথ প্রচেষ্টায় এই সংস্থার কিছু কিছু কাজ সমাধের নজরে পড়ে। উক্ত সংস্থার সর্বোচ্চে যিনি থাকেন তাঁকে 'সারপা' বলা হয়। এছাড়া প্রতি পাড়া থেকেই সংস্থার দু'জন করে প্রতিনিধি থাকেন। বৎসরান্তের জালুয়ারী বা ফেব্রুয়ারী মাসে এই সংস্থার সম্মেলন হয়ে থাকে। প্রতি পাঁচ বৎসরান্তে সংস্থার প্রতিনিধিদের ভোটে 'সারপা' নির্বাচিত হন।

আতাংবাং-এর নিয়মানুসারে বংশানুক্রমিক পাড়ার 'চৌধুরী' ব্যবস্থা তুলে নিয়ে যোগ্যতা-হুয়ারী 'চৌধুরী' নির্বাচনের ব্যবস্থা করা হয়েছে। আভ্যন্তরীণ প্রশাসনের বিষয়ে বাদী বিবাদীরা যদি চৌধুরীর বিচারে সম্মত না হয় তাহলে শারবর্তী পাড়ার চৌধুরীদের যৌথ বিচার এবং তাতেও যদি বিচারের সুরাহা না হয় তাহলে 'সারপা'র নিকট বিচার দেখার সংস্থান রাখা হয়েছে।

অর্থনৈতিক অবস্থা পরিবর্তনের সঙ্গে সঙ্গে তাদের পোশাক পরিচ্ছদেও যথেষ্ট পরিবর্তন এসেছে। আধুনিক উচই মেয়েরা প্রাচীন পদ্ধতিতে পোশাক পরা ও অলংকার ব্যবহার ছেড়ে দিয়েছেন। তাঁরা নিজের হাতে তৈরী পাছড়া কোমর থেকে পা পোশাক পরিচ্ছদ পর্যন্ত তৈরি করেন। শাড়ীর ব্যবহারও নজরে পড়ে। অলংকার হিসাবে বাজারের কানের দুল, গলার হার ও চুরি ব্যবহার করছেন। উচই পুরুষদের পোশাক পরিচ্ছদের বেলায়ও উল্লেখযোগ্য পরিবর্তন এসেছে। তাঁদের অধিকাংশই প্রাচীন পোশাক ছেড়ে দিয়ে বাজার থেকে মিলের তৈরী কাপড় পরিধান করছেন। শিক্ষিত উচইরা আধুনিকতার ছোঁয়ায় প্যাট শার্ট পরিধান করছেন।

অর্থনৈতিক ও সামাজিক বিভিন্ন ক্ষেত্রে পরিবর্তনের সঙ্গে সঙ্গে উচইদের রাজনৈতিক চিন্তাধারার ক্ষেত্রেও যথেষ্ট পরিবর্তন এসেছে। পারিপার্শ্বিক অবস্থা পরিবর্তনের (গ) রাজনৈতিক আলোকে সর্বভারতীয় ও আঞ্চলিক উভয় রাজনৈতিক দলের চিন্তাধারার সঙ্গেই তাঁরা সম পরিচিত। কংগ্রেস, সি পি আই (এম), সি পি আই, উপজাতি যুব সমিতি প্রভৃতি রাজনৈতিক দলগুলির প্রত্যক্ষ প্রভাব তাঁদের মধ্যে স্পষ্ট।

উচইদের মধ্যে বর্তমানে অনেকেই গ্রামের মুখ্য ও দায়িত্বপূর্ণ প্রশাসন গাঁও প্রধানের পদে আসীন। এদের মধ্যে অমরপুরের উত্তর একছড়ি গাঁওসভার প্রধান শ্রী সঘরাম উচই, বিলোনীয়ার ২ নং রতনপুরের গাঁও প্রধান শ্রী অঘাচন্দ্র উচই ও তীর্থমুখের প্রধান শ্রী রামানন্দ বৈষ্ণবের (উচই) নাম উল্লেখ করা যায়। এরা তিনজনই সি পি আই (এম)—এর সদস্য।

উপসংহার

পরিপার্শ্বিক অবস্থা পরিবর্তনের সঙ্গে সঙ্গে উচইদের অর্থ নৈতিক, সামাজিক ও রাজনৈতিক ক্ষেত্রে বিভিন্ন পরিবর্তনের কথা পূর্ববর্তী আলোচনার উল্লেখ করা হয়েছে। শিক্ষা সমাজের বিভিন্ন ক্ষেত্রে একপ দ্রুত তালে পরিবর্তনের আলোকে তাঁরাও একথা আজ উপলব্ধি করতে সক্ষম হয়েছেন যে, শিক্ষা বাতিরেকে আধুনিক প্রতিযোগিতা মূলক যুগে স্ননিষ্ঠতা অর্জন করা যায় না। তাই তাঁরা ব্যক্তিগত ও সমষ্টিগতভাবে বংশধরদের শিক্ষা দেয়ার বিষয়ে মনোনিবেশ করছেন। এ বিষয়ে তাঁদের মধ্যে অন্যতম শিক্ষিত শ্রী ফিলিপ উচই-এর (বি এ, বি টি, বর্তমানে শিলাছড়ি হাইস্কুলে শিক্ষকতা করছেন) ভূমিকা উল্লেখযোগ্য।

উচইদের সঙ্গে বিভিন্ন জাতি-উপজাতি গোষ্ঠীর বৈবাহিক সম্পর্ক স্থাপনের ফলে তাঁদের সমাজে যেমন কিছুটা পরিবর্তন লক্ষ্য করা গিয়েছে তেমন শহরের ও মিশ্র সংস্কৃতি পার্শ্ববর্তী বাজারগুলির সংস্পর্শে থাকার ফলে আধুনিক সভ্যতার প্রভাবও তাঁদের মধ্যে যথেষ্ট পরিমাণে বর্তমান। বর্তমানে অনেক উচই বাড়ীতেই ঘড়ি, সাইকেল, রেডিওর মত আধুনিক দ্রব্যাদি দেখতে পাওয়া যায়। তাঁদের মধ্যে এখন মজ্ঞপানের পরিমাণ অনেক কমে গেছে। বিশেষ করে হিন্দু বৈষ্ণব এবং খৃষ্টীয় ধর্মাবলম্বী ব্যাপ্তাইজদের মধ্যে মজ্ঞভ্যাস একেবারেই নেই। তাঁদের নিত্য ব্যবহার্য জিনিষপত্র, রান্না করার পদ্ধতি, ঘরদরজা তৈরীর নমুনা, খাওয়া ইত্যাদি সব বিষয়েই বিরাট পরিবর্তন দেখা দিয়েছে এবং প্রতিনিয়তই এই পরিবর্তন ঘটছে।

যেসব বই থেকে সাহায্য নেয়া হয়েছিল

- | | | |
|--|---|--|
| ১। রাজমালা | | |
| | প্রথম লহর
দ্বিতীয় লহর
তৃতীয় লহর | } শ্রীকালী প্রসন্ন সেন। |
| ২। রাজমালা— | | কৈলাস চন্দ্র সিংহ। |
| ৩। লোকবৃত্তের আলোকে কলই সম্প্রদায়— | | শ্রীপ্রদীপ নাথ ভট্টাচার্য্য, গবেষণাধিকার,
উপজাতি ও তপশিল জাতি কল্যাণ
দপ্তর। |
| ৪। রিয়ার্ণ— | | শিক্ষা অধিকার, ত্রিপুরা। |
| ৫। রমাপ্রসাদ গবেষণাগার— | | আগরতলা। |
| ৬। Tripura— | | Directorate of information,
Cultural Affairs & Tourism.
Govt. of Tripura. |
| ৭। Tripura District Gazetteers— | | Directorate of Education, |
| ৮। Tribal History of Eastern India— | | E. T. Dalton. |
| ৯। Wild races of South Eastern India— | | T. H. Lewin. |
| ১০। The wild Tribes of India— | | H. B. Rowney |
| ১১। Tripura Throught the Ages— | | N. R. Roychowdhury, |
| ১২। The Kaipengs— | | Directorate of Research, Depart-
ment of welfare for Scheduled
Tribes & Scheduled Casts. |
| ১৩। The Kukis of Tripura— | | Ram Gopal Singh. |
| ১৪। Socio Economic Survey of
the Noatia Tribes— | | Dr. S. B. Saha. |



বয়স্ক উচই দম্পতি



‘থানতি’ বা কোমড় তাঁত বোনাল্ল রত উচই রমণা



ধান ভানার আনন্দে উচই কিশোরী




কেয়ই উচই পাড়ার চৌধুরী



উচই আধুনিকা



আধুনিক উচই দম্পতি



উচই প্রদর্শিত অক্ষর - ১